

唐詩紀事



唐詩紀事卷第十五

王灣

魏知古

許景先

姚崇

姜皎

姜晞

王岳靈

楊顏

鄭繇

張謩

趙仁獎

張翬

金昌緒

蘇晉

張九齡

崔國輔

王灣

奉使登終南山詩云常愛南山遊因而盡原隰數朝至林嶺百仞登鬼岌
石壯馬徑窮苔色步緣入物奇春狀改氣遠天香集虛洞策杖鳴低雲拂
衣溼倚巖見廬舍入戶欣拜揖問性矜勤勞示心教澄習玉英時其飲芝
草爲余拾境絕人不行潭深鳥空立一乘從此受九轉兼是給辭處若輕
飛憩來唯吐吸閒襟超已勝迴路倏而及煙色松上深水流山下急漸平
逢車騎向晚睨城邑峯在野趣繁塵飄宦情緝辛苦久爲吏勞生何妄執
日暮懷此山悠然賦斯什

閏月七日織女云耿耿曙河微神仙此會稀今年七月閏應得兩迴歸

灣登先天進士第開元初為滎陽主簿馬懷素欲校正羣籍灣在選中各

部撰次後為洛陽尉商璠云灣詞翰早著為天下所稱最者不過一二遊

吳中江南意云海日生殘夜江春入舊年詩人以來無聞此句張公居相

府手題于政事堂每示能文令為楷式又搗衣篇云月華照杵空悲妾風

響傳砧不見君所有衆制類咸若斯非張蔡之未見也覺顏謝之彌遠乎

江南意云南國多新意東行伺早天潮平兩岸失風正數帆懸海日生殘

夜江春入舊年從來觀氣象惟向此中偏毛本云一作次北固山下客路

闊風正一帆懸海日生殘夜江春入舊年鄉書可處達歸雁洛陽邊

麗正殿賜同宴用天前煙年四韻應制云金殿忝陪賢瓊羞忽降天鼎羅

仙掖裏觴拜鎖闈前院逼青霄路樹和紫禁煙酒酣空抃舞何以答昌年

秋夜寓直即事懷贈蕭令公裴侍郎兼通簡南省諸友人云聖主萬年興

賢臣數載升古靈傳岳秀宏量稟川澄畿甸舉長策風霜秉直繩出車遙

俗振登閣滿朝稱賦簡流亡輯農安政理憑還家新長幼巡隴舊溝塍忠
梗大勳立衰羸墮業懲焚香兼御史懸鏡委中丞旗隼當朝立臺驄登郡
乘司徒漢家重國典潁川徵雲路俄平入台階忽上陵秉鈞調造化宣綽
慰黎蒸金省方秋作瑤軒直夜凭中書贈陳準右相簡王陵三傑賢更穆
百僚歡且兢搖懷及賓友計里辨溜澗闔暝陰散句陳爽氣凝月深宮
樹轉河近禁樓冰卑吏夙驅策微涓効斗升望麾宵繼火書板曙懷蒸彼
此雖流盼規模轉伏膺惠將霄漢隔勞或歲時矜位重恩寧濫才輕懾不
勝林巒甘獨往疵賤苦相仍敢忘銜花雀思同附驥蠅平生逐鳥雀何日
似蒼鷹

晚春詣蘇州贈武員外云蘇臺憶季常飛棹歷江鄉恃此功曹掾初離華
省郎貴門生禮樂明代秉文章嘉璧位先進洪儒名重揚爰從姻戚貶豈
失忠信防萬里行驥足十年睽鳳翔迴遷翊元聖入拜佇惟良別業對南
浦羣書滿北堂意深投轄盛才重接筵光陋學叨鉛簡弱齡許翰場神馳

勞舊國顏展別殊方際曉雜氛散殘春衆物芳煙和疎樹滿雨續小溪長
旅拙感成慰通賢顧不忘從來琴曲罷開匣爲君張

晚夏馬升卿池亭卽事寄京中二三知己云忝職畿甸淹濫陪時俊後才
輕策疲劣勢薄常驅走牽役勞風塵秉心在巖藪崇賢開別業形勝代希
偶竹繞清渭涓泉流白渠口逡巡期賞會揮忽變星斗逮此乘務餘因而
訪幽叟入來殊景物行復洗紛垢林靜秋色多潭深月光厚盛香蓮近折
新味瓜初剖滯拙懷隱淪書之寄良友

奉同賀監林月清酌云華月當秋滿朝英假興同淨林新霽入窺院早涼
通碎影行筵裏搖花落酒中清霄凝爽意併此助文雄

觀搗箏云虛室有秦箏箏新月復清絃多弄委曲柱促語分明曉怨凝繁
手春嬌入慢聲近來惟此樂傳得美人情

毛本云一作祖詠

魏知古

知古深州人相睿宗薦洹水令呂太一蒲州司功參軍齊澣內率騎曹參

軍柳澤密尉宋遙左補闕袁暉右補闕封希顏伊闕尉陳希烈後皆爲聞人

玄元觀尋李先生不遇詩云羽客今何在空尋伊洛閒忽聞歸苦縣應想入函關未作十年別猶應七日還神仙不可見寂寞返蓬山

奉和春日途中喜雨應詔詩曰豫遊欣勝地皇澤乃先天油雲陰御道膏雨潤公田隴麥霑逾翠山花溼更然稼穡良所重方復悅豐年

春夜寓直鳳閣懷羣公詩云拜門傳漏晚寓省索居時昔重安仁賦今稱伯玉詩鴛池滿不溢鷄樹久逾滋夙夜懷山甫清風詠所思

先天中爲侍中從獵渭川獻詩曰嘗聞夏太康五弟訓禽荒我後來冬狩三驅盛禮張順時鷹隼擊講事武功揚奔走未及去翽飛豈暇翔非熊從渭水瑞翟想陳倉此欲誠難縱茲遊不可常子雲陳羽獵僖伯諫漁棠得失鑒齊楚仁思念禹湯邕熙諒在宥亭毒匪多傷辛甲今爲史虞箴遂孔彰手詔褒之

知古卒宋璟歎曰叔向古遺直子產古遺愛兼之者其魏公乎

許景先

常州人先獻賦李迥秀見之歎曰是宜付太史後與齊澣王邱韓休更知制誥張說曰許舍人之文雖乏峻峯激流然詞旨豐美得中和之氣天寶閒以吏待卒陽春怨云紅樹曉鶯啼春風暖翠閨雕籠薰繡被珠履踏金堤芍藥花初吐菖蒲葉正齊藁砧當此日行役向遼西送張說巡朔方應制云文武承邦式風雲感國禎王師親賦政廟略久論兵漢主知三傑周官統六卿四方分闡受千里坐謀成介冑辭前殿壺觴宿左營賞延頒賜重宸賜出車榮龍武三軍氣魚鈐五校名郊雲駐旌兩邊吹引金鉦振旅方稱德安人更克貞佇觀銘石罷同聽凱歌聲

姚崇

享龍池樂章云恭聞帝里生靈祉應報明君鼎業新既叶翠泉光寶命還符白水出真人當時舜海潛龍躍此日堯河帶馬巡獨有前池一小雁叨

承舊惠入天津又云帝宅王家大道邊神馬潛龍涌聖泉昔日昔時經此地
地看來看去漸成川歌臺舞榭宜正月柳岸梅洲勝往年莫疑沙上春雲
少祇爲龍飛直上天龍池興慶宮池也明皇潛龍之地張九齡撰龍池頌
刊石興慶宮玄宗以爲不稱更命嗣澤王璆爲頌建花萼樓北初睿宗五
子賜第隆慶坊號五王宅明皇爲太子製大衾長枕將與諸王共之睿宗
喜甚明皇先天後盡以隆慶舊邸爲興慶宮而賜憲薛第于勝業申岐第
于安興環列宮側天子于宮西南置樓西曰花萼相輝南曰勤政務本
張曲江有和姚令公哭李尙書詩姚亦時有述作然少見于世

口箴云君子欲訥吉人寡辭利口作戒長舌爲詩斯言不善千里違之勿
謂可復駟馬難追惟靜惟默澄神之極去甚去泰居物之外多言多失多
事多害聲繁則淫音希則大室本無暗垣亦有耳何言者天成蹊者李似
不能言爲世所尊言不出口冠時之首無掉爾舌以速爾咎無易爾言亦
孔之醜欽之慎之可大可久欽之伊何三命而走慎之伊何三緘其口勉

哉夫子行矣勉旃書之屋壁以代章紘

李德裕舌箴序曰余宿于洞庭西夢與中書令姚公偶坐如舊相識問余曰君見僕所作口箴乎余對曰去歲居守東周于公會孫諫議邵處觀金石之刻遂莞爾而笑曰孫子猶能藏之又曰余感姚公之夢乃爲舌箴云

姜皎

享龍江樂章云龍池初出此龍山常經此地謁龍顏日日芙蓉生夏水年年楊柳變春灣堯壇寶匣餘煙霧舜海漁舟尙往還願似飄飄五雲影從來從去九天閒又曰龍興白水漢興符聖主時乘運斗樞岸上丰茸五花樹波中的皦千金珠操環昔聞迎夏啓發匣先來瑞有虞風色雲光隨隱見赤雲神化象江湖

皎長安中爲尙衣奉御明皇在藩邸識其有非常度委心焉及卽位授殿中少監出入臥內開元十年爲祕書監坐洩禁中語流欽州道死

姜晞

龍池樂章云靈沼縈迴邸第前浴日涵春寫曙天始見龍臺昇鳳闕應如
霄漢起神泉石匱渚傍還啓聖桃李初生更有仙欲化帝圖從此受正同
河變一千年又云乾坤啓聖吐龍泉泉水年年勝一年始看魚躍方成海
卽覩龍飛利在天洲渚遙將銀漢接樓臺眞與紫微連休氣雲光常不散
懸知此地是神仙

晞上邳人登永隆二年進士第

王岳靈

聞漏詩云建禮含香處重城待漏晨徐聞傳鳳詔曉唱辨雞人銀箭殘將
盡銅壺漏更新催籌當午夜移刻及三辰杳杳從天遠泠泠出禁頻直宜
殘漏曙肅肅對鈎陳

岳靈登開元進士第天寶十年爲監察御史撰張惡子廟碑

楊顏

田家云小園足生事尋勝日傾壺蒔疏利于鬻纔青闌已無四鄰因野竹

日夕採其枯田家心適時春色徧桑榆

顏登開元進士第

鄭繇

失白鷹詩云白錦文章亂丹霄羽翮齊雲中呼暫下雪裏放還迷梁苑驚池鷺陳倉拂野雞不知寥廓外何處獨飛棲

開元初經慈澗題詩云岸與恩同廣波將慈共深涓涓勞日夜長似下流心

繇鄭州人登嗣聖元年進士第開元時岐王範愛儒士繇與劉廷琦閻朝隱張諤皆遊其門飲酒賦詩相娛樂子審有詩名終于袁州刺史與杜子美善

張諤

九日詩云秋來林下不知春一種佳遊事也均絳葉從朝飛著夜黃花開日未成旬將橫陌樹頻驚馬半醉歸途數問人城遠登高併九日茱萸凡

作幾年新謬登景龍進士第岐王範好儒士與閣朝隱劉廷琦鄭繇等飲酒賦詩駙馬都尉裴虛已善識緯坐私與範游徙嶺南廷琦貶雅州司戶謬山荏丞然明皇于範無閒也

趙仁獎

令乘驄馬去丞脫繡衣來仁獎送上蔡令潘好禮拜御史詩也或訝其假手蓋仁獎住王戎墓側善歌黃鸝景龍中負薪詣闕云助國調鼎卽除臺官中書令姚崇曰此是黃鸝助授以當州一尉惟以黃鸝自銜宋務光嘲之曰趙仁獎出王戎墓下入朱博臺中舍彼負薪登茲列柏行人不避驄馬坐客惟聽黃鸝忽一夫負兩束薪曰此合拜殿中人問其由曰趙以一束拜監察此兩束合授殿中

張翬

遊棲霞寺云躋險入幽深翠微含竹殿泉聲無休歇山色時隱見潮來雜風雨梅落成霜霰一從方外遊頓覺塵心變

潤州延陵有包融儲光羲曲阿有丁仙芝緱氏主簿蔡隱邱監察御史蔡希周渭南尉蔡希寂處士張彥雄張潮校書郎張翬吏簿常選周瑀長洲尉談戴句容有殷遙硤石主簿樊晃一作光橫陽主簿沈如筠江寧有右拾遺孫處元一作立處士徐延壽丹徒有江都主簿馬誕武進尉申堂構十八人皆有詩名殷璠次爲丹陽集翬開元進士蕭穎士同年生也蕭穎士有張翬下第歸江東詩云俱飛仍失路綵服邇清波地集東南美朝遺甲乙科客愁千里別春色五湖多明日舊山去其如相望何

金昌緒

春怨詩云打卻黃鶯兒莫教枝上啼幾迴驚妾夢不得到遼西

顏陶取此詩爲唐類

詩毛本云一作蓋嘉運伊州歌者非也然此詩爲嘉運所進編入樂府後乃誤爲嘉運作耳

蘇晉

晉中宗戶部尚書珣之子數歲知爲文吏侍房穎叔舍人杜暹當國表宋璟爲吏書晉齊澣爲侍郎世爲臺選過賈六詩云主人病且閒客來情彌

適一酌復一笑不知日將夕昨來屬歡遊于今盡成昔努力持所趣空名
定何益

丞相少傅拜職天子作三傑之詩以宴命晉序云惟聖寶賢以齊皇極有
若左丞相燕國公左丞相廣平公太子少傅安陽侯皆生人碩德皇國元
老道著廊廟績宣華戎由是懋其成功錫以元圭咨曰于朔擇時于秋俾
對命王庭受職公府見羣屬揖庶寮禮官辨章掌舍陳次瞽工備樂侑饗
獻蒸六卿拜下以成儀三事自天而來賀秩秩賓序暉暉旅疇玉緯垂文
南風和雅頌之變金漿降醴雲天光飫酌之宜宰德貴和盡莊敬具瞻之
範羣情尙洽預周旋宴語之歡方將一心天工戮力帝載寢黑山之柝包
青海之戈雲雨賢才水火菽粟日詠魚藻歲陳由庚頤殷趙之年留魯陽
之景爰命在宴乃賡載歌時左相張說右相宋璟太子少傅源乾曜同日
上官命宴於東堂明皇賜詩曰赤帝收三傑黃軒舉二臣故序及之
送張說巡邊應制云方漢比周年興王合在宣亟聞降虜拜復覩出師篇

圻父萬邦式英猷三略傳算車申夏政芟舍啓戎田嚴問盟胡苑軍容濟
洛川皇情悵關旆詔餞列郊筵路接禁園草池分玉井蓮離聲軫去角居
念斷歸蟬三捷豈云爾七擒良信然具寮誠寄望奏凱秋風前

張九齡

在郡秋懷二首秋風入前林蕭瑟鳴高枝寂寞游子思寤歎何人知宦成
名不立志存歲已馳五十而無聞古人深所疵平生去外飾直道如不羈
未得操割効忽復寒暑移物情有固然身退毀亦隨悠悠滄江渚望望白
雲涯露下霜且降澤中草披離蘭艾若不分安用馨香爲又云庭蕪生白
露歲候感遐心策蹇慙遠塗巢枝思故林小人恐致寇終日如臨深魚鳥
好自逸池籠安所欽掛冠東都門採蕨南山岑議道誠愧昔覽分還愜今
惓然憂成老空爾白頭吟

感遇云蘭葉春葳蕤桂華秋皎潔欣欣此生意自爾爲佳節誰知林棲者
聞風坐相悅草木有本心何求美人折

段成式云桂花三月生黃而不
白曲江云桂花秋皎潔妄矣

又

云幽林歸獨臥滯慮洗孤清持此謝高鳥因之傳遠情日夕懷空意人誰
感至精飛沈理自隔何所慰吾誠又云魚遊樂深池鳥棲欲高枝嗟爾蜉
蝣羽薨薨亦何爲有生豈不化所在奚若斯神理日微滅吾心安得知浩
歎楊朱子徒然泣路歧又云孤鴻海上來池潢不敢顧側見雙翠鳥巢在
三珠樹矯矯珍木顛得無金丸懼美服患人指高明逼神惡今我遊冥冥
弋者何所慕又云吳越數千里夢寐今夕見形骸非我親衾枕卽鄉縣化
蝶猶不識川魚安可羨海上有仙山歸期覽神變又云抱影吟中夜誰聞
此歎息美人適異方庭樹謝幽色白雲愁不見滄海飛無翼鳳凰一朝來
竹花斯可食又云漢上有游女求思安可得袖中一書札欲寄雙飛翼冥
冥獨不見耿耿徒緘憶紫蘭秀空蹊皓露奪幽色馨香歲欲晚感歎情何
極白雲望南山日暮長太息

九齡在相位有謬謬匪躬之誠明皇旣在位久稍怠庶政每見帝極言得
失林甫時方同列陰欲中之將加朔方節度使牛仙客實封九齡稱其不

可甚不叶帝旨他日林甫請見屢陳九齡頗懷誹謗于時方秋帝命高力士持白羽扇以賜將寄意焉九齡惶恐因作賦以獻又爲鷲詩以貽林甫曰海鷲何微眇乘春亦暫來豈知泥滓賤只見玉堂開繡戶時雙入華軒日幾回無心與物競鷹隼莫相猜林甫覽之知其必退恚怒稍解

九齡泊裴耀卿罷免之日自中書至月華門將就班列二人鞠躬卑遜林甫處其中揚揚自得觀者竊謂一鵬挾兩兔俄而詔張裴爲左右僕射罷知政事林甫見其詔大怒曰猶爲左右丞耶二人趨就本班林甫目送之公卿不覺股慄

子美八哀詩曰相國生南紀金璞無留礦仙鶴下人閒獨立霜毛整矯然江海思復與雲路永寂寞想土階未遑等箕穎上君白玉堂倚君金華省

九齡登進士第應拔萃登乙科拜校書郎立宗在東宮舉天下文章之士親加策問九齡策高等 碣石歲崢嶸天地日蛙

黽退食吟大庭何心託榛梗骨驚畏曩哲鬢變負人境雖蒙換蟬冠右地

惡多幸侍中冠加貂蟬九齡爲相以文雅爲上知右相李林甫惡之引牛仙客以傾之遂罷 敢忘二疏歸痛迫蘇耽

井紫綬映暮年荊州謝所領

初九齡為相薦長安尉周安周子諒為監察御史至是子諒以妄陳休咎上親加詰問令

于朝堂決殺九齡為相薦其人左遷朝荊州大都督府長史者久之庾公興不淺黃霸鎮每靜賓客引調同

諷詠在務屏詩罷地有餘篇終語清省一陽發陰管淑氣含公鼎乃知君

子心用才文章境

九齡善屬文有集二十卷

散帙起翠螭倚薄巫廬並綺麗玄暉擁牋

誅任昉騁自成一家則未缺隻字警千秋滄海南名繫朱鳥影歸老守故

林戀闕悄延頸波濤良史筆蕪絕大庾嶺向時禮數隔制作難上請再讀

徐孺碑猶思理煙艇

九齡字子壽曲江人輔明皇為賢宰相既卒明皇每用人必曰風度能若

九齡乎張說論其文曰如輕縑素練實濟時用而窘邊幅

柳子厚敘楊評事文集云文有二道辭令褒貶本乎著作者流蓋述於詩

之謨訓春秋之筆削其要在乎高壯廣厚詞正而理備焉宜藏於簡冊也

比興者流蓋出乎虞夏之詠歌周之雅頌其要在乎麗則清越言暢意美

謂宜流於謠誦也唐興以來稱是選而不作者梓潼陳拾遺其後燕文貞

以著述之餘攻比興而莫能極張曲江以比興之隙窮著作而不克備其餘各探一隅相與背馳于道者其去彌遠文之難兼其甚矣中書舍人姚子顏狀其行曰公所得俸祿悉歸鄉園先得賜物上表進納其清約如此常賦詩曰清節往來苦壯容別離衰有以見公之情也公以風雅之道興寄爲主一句一詠莫非興寄時皆諷誦焉

明皇送張說巡朔方賜詩云命將綏邊服雄圖出廟堂說應制詩有從來思博望許國不謀身之句張嘉貞云山川看是陣草木想爲兵盧從愿云佇聞歌杖杜凱入繫明王徐知仁云由來詞翰首今見勒燕然皆取制勝之義獨九齡詩云宗臣事有征廟算在休兵天與三台座人當萬里城朔南方偃革河曲誓揚旌又云威風六郡勇計日五戎平山甫歸應疾留侯功復成大抵取旋師偃武之義宋璟詩云以智泉寧竭其徐海自清亦有深意也

釋皎然讀曲江集詩云相公乃天啟人文佐生成立程正類靡繹思何縱

橫春杼弄湘綺陽林敷玉英飄然飛動姿邈矣高簡情後輩驚失步前修
敢爭衡始欣耳目遠再使幾慮清體正力已全理精識何妙昔年歌陽春
徒推郢中調今朝聽鸞鳳豈獨蘇門嘯帝命鎮雄州詩流據上游才兼荆
衡秀氣助瀟湘秋逸蕩子山匹怪奇文暢儔沈吟未終卷變態紛難數耀
耳代明璫襲衣比芳杜悵悵聞玉聲寤寐在靈府

崔國輔

少年行云遺卻珊瑚鞭白馬驕不行章臺折楊柳春日路旁情

魏宮詞云朝日點紅妝擬上銅雀臺畫眉猶未竟魏帝使人催

長信宮云長信宮中草年年愁處生時侵珠履迹不使玉階行

怨調云妾有羅衣裳秦王在時作爲舞春風多秋來不堪著

古意云歸來日尙早卻欲向芳洲渡口水流急回舟不自由

子美獻三賦國輔于休烈每稱述焉子美有留贈集賢院崔于二學士詩

云欲整還鄉旆長懷禁掖垣謬稱三賦在難述二公恩太白有送崔度自

幽燕還吳詩云故人禮部員外國輔之子也輔明皇時應縣令舉授許昌
令集賢直學士禮部員外坐王鉉親近貶晉陵郡司馬商璠云國輔詩婉
變清楚深宜諷味樂府數章雖絕句然古人不能過也

雜詩云逢著平樂兒論交鞍馬前興酣一斗酒恰用十千錢後余在關內
作事多迍邐何處肯相救徒聞寶劍篇

古意云淨掃黃金階飛霜厚如雪下簾彈箜篌不忍見秋月

湖南云湖南送君去湖北送君歸湖裏鴛鴦鳥雙雙他自飛

香風詞云洛陽梨花落如霰河陽桃葉生復齊坐惜玉樓春欲盡紅綿粉

絮裏妝啼

毛本云時刻
作白苧詞

對酒吟云行行日將夕荒林古冢無人迹蒙籠荊棘一鳥吟屢唱提壺沽
酒喫古人不達酒不足遺恨精靈傳此曲寄言世上諸少年平生且盡杯

中綠

唐詩紀事卷第十五

唐詩紀事卷第十六

王維

王縉

裴迪

崔興宗

王維

集異記載維未冠文章得名妙能琵琶春之一日岐王引至公主第使爲伶人進主前一進新曲號鬱輪袍并出所爲文主大奇之令宮婢傳教遂召試官至第諭之作解頭登第

祿山之亂李龜年奔於江潭曾於湘中探訪使筵上唱云紅豆生南國秋來發幾枝贈君多採擷此物最相思又清風明月苦相思蕩子從戎十載餘征人去日慙勸囑歸鴈來時數附書此皆維所製而梨園唱焉

維年十七時九日憶山東弟兄云獨在異鄉爲異客每逢佳節倍思親遙知兄弟登高處遍插茱萸少一人

祿山大會凝碧池梨園弟子歛獻泣下樂工雷海清擲樂器西向大慟賊支解於試馬殿維時拘於菩提寺有詩曰萬戶傷心生野煙百僚何日更

朝天秋槐落葉深宮裏凝碧池頭奏管絃後有罪以此詩獲免

寧王憲貴盛寵妓數十人有賣餅之妻纖白明媚王一見屬意因厚遺其夫求之寵愛逾等歲餘因問曰汝復憶餅師否使見之其妻注視雙淚垂頰若不勝情時王座客十餘人皆當時文士無不悽異王命賦詩維先成云莫以今時寵難忘異日恩看花滿眼淚不共楚王言座客無敢繼者王乃歸餅師以終其志出本事詩

或說維詠終南山詩譏時也詩曰太一近天都連山接海隅言勢焰盤據朝野也白雲回望合青靄入看無言徒有其表也分野中峯變晴陰衆壑殊言恩澤偏也故人投處宿隔水問樵夫畏禍深也

維善畫破墨山水嘗自制曰當代謬詞客前身應畫師不能捨餘習偶被時人知

維字摩詰爲給事中遇祿山反賊平下遷太子中允三遷尙書右丞喪妻不娶孤居三十年母亡表輞川第爲寺終葬其西寶應中代宗語王縉曰

朕嘗於諸王座聞維樂章今傳幾何遣中人往取縉裒集數百篇上之表
曰臣兄文辭立身行之餘力當官堅正秉操孤直縱居要劇不忘清淨實
見時輩許以高流至於晚年彌加進道端坐虛室念茲無生乘興爲文未
嘗廢業詔答云卿之伯氏天下文宗位歷先朝名高希代抗行周雅長揖
楚詞調六氣於終篇正五音於逸韻泉飛藻思雲散襟情詩家者流時論
歸美誦於人口久鬱文房詔以國風宜登樂府視朝之後一夜將觀石室
所藏歿而不朽栢梁之會今也則亡乃春棣華克成編錄聲猷益茂歎息
良深

商璠云維詩辭秀調雅意新理愜在泉爲珠看壁成繪一字一句皆出帝
境至如落日山水好漾舟信歸風又澗芳襲人衣山月映石壁又天寒遠
山靜日暮長河急又賤日豈殊衆貴來方悟稀又日暮沙漠陞戰聲煙塵
裏詎肯慙於古人也

送晁監歸日本國云積水不可極安知滄海東九州何重去萬里若乘空

向國唯看日歸帆但信風鼇身映天黑魚眼射波紅鄉樹扶乘外主人孤
島中別離方異域音信若爲通

送丘爲云憐君不得意況復柳條春爲客黃金盡還家白髮新五湖三畝
宅萬里一歸人知禰不能薦羞稱獻納臣

獵騎云風勁角弓鳴將軍獵渭城草枯鷹眼疾雪盡馬蹄輕忽過新豐市

還歸細柳營回看射雕處千里暮雲平

自送晁監以後三詩姚合極元集云此詩家射雕之手也更擇其極玄者

藍田精舍云落日山水好漾舟信歸風翫奇不覺遠因以尋源窮遙愛雲

木翠初疑路不同安知清流轉偶與前山通捨舟理輕策果然愜所適老

僧四五人逍遙蔭松栢朝梵林方曙夜禪山更寂道心友牧童世事問樵

客瞑宿長林下焚香臥瑤席澗芳襲人衣山月映石壁再尋畏迷誤明發

更登歷笑謝桃源人花紅復來覲

西施篇云艷色天下重西施寧又微朝仍越溪女莫作吳宮妃賤日豈殊

衆貴來方悟稀要人傳脂粉不自着羅衣君寵益嬌態君憐無是非常時

浣沙伴莫得同車歸寄言鄰家子効顰安可希

又字未詳

淇上別趙仙舟云相逢方一笑相送還成泣祖席忽傷離荒城復愁入天寒遠山靜日暮長河急解纜君已遙望君猶佇立

李陵詠

時年十九

云漢家李將軍三代將門子結髮有奇策少年成壯士長驅

塞上兒深入單于壘旌旗列相向簫鼓悲何已日暮沙漠陲戰聲煙塵裏將令驕虜滅豈獨名王侍既失大軍援遂嬰穹廬耻少小蒙漢恩何堪坐思此深哀欲有報投軀未能死引領望子卿非君誰相理

渭城朝雨裊輕塵客舍青青柳色新勸君更盡一杯酒西出陽關無故人維送客詩也

王縉

縉字夏卿河中人與兄維俱以名聞舉草澤文辭清麗科上第相肅宗

縉九月九日作云莫將邊地比京都八月嚴霜草已枯今日登高樽酒裏不知能有菊花無

別輞川云山月曉仍在林風涼不絕殷懃如有情惆悵令人別

贈曇壁上人云林中空寂舍階下終南山高臥一床地回看六合間浮雲
幾處滅飛鳥何時還問義天人接無心世界閑誰知大隱客兄弟自追攀
遊悟真寺云聞道黃金地仍成白玉田擲山移巨石呪嶺出飛泉猛虎同
三逕愁猿學四禪買香燃綠桂乞火踏青蓮草色搖霞上松聲泛月邊山
河窮百二世界滿三千梵宇聊憑覽王城遂眇然灞陵纔出樹渭水欲連
天遠縣分朱郭孤村起白煙望雲思聖主披霧憶羣賢薄宦慙尸祿終身
擬尙玄誰言草庵客曾和栢梁篇

送孫秀才云帝城風日好況復建平家玉枕雙紋篋金盤五色瓜山中無
魯酒松下飲胡麻莫厭田家苦歸期遠復賒

裴迪

過曇興上人山院云不遠灞陵邊安居向十年入門穿竹徑留客或曰山泉

鳥嘯深林裏心閑落照前浮名意何憶從此願棲禪

吠字聽未詳

迪初與王維興宗俱居終南天寶後爲蜀州刺史與杜甫友善興宗姓崔

迪與王維訪逸人不遇賦詩云恨不逢君出荷囊青松白屋更無他陶令

五男曾不有蔣生三逕任相過芙蓉曲沼春流滿薜荔成帷晚靄多聞說

桃源好迷客不如高臥盼庭柯

維詩云桃源一向絕風塵柳市南頭訪隱淪到門不敢題凡鳥看竹何須

問主人城外青山如屋裏東家流水入西隣閉戶著書多歲月種松皆作

老龍鱗

王維輞川集云餘別業在輞川山谷其遊止有孟城坳華子岡文杏館斤

竹嶺鹿柴去聲木蘭柴茱萸泝潘上去音匹半切水流也宮槐陌臨湖亭南坨音茶欽湖柳

浪巒家瀨金屑泉白石灘北坨竹里館辛夷塢漆園等與裴迪閑暇各賦

絕句云

維孟城坳云新家孟城口古木餘衰柳來者復爲誰空悲昔人有

迪和云結廬古城下時登古城上古城非疇昔今人自來往

維華子岡云飛鳥去不窮連山復秋色上下華子岡惆悵情何極

迪和云落日松風起還家草露晞雲光侵履跡山翠拂人衣

維文杏館云文杏裁爲梁香茅結爲宇不知棟裏雲去作人間雨

迪和云迢迢文杏館躋攀日已屢南嶺與北湖前看復迴顧

維斤竹嶺云擅欒映空曲青翠漾漣漪暗入商山路樵人不可知

明流紆且直綠篠密復深一逕通山路行歌望舊岑

迪

鹿柴云空山不見人但聞人語響返景入深林復照青苔上

日夕見寒山便爲獨往客不知深林事但有麝麝迹

迪

木蘭柴云秋山斂餘照飛鳥逐前侶彩峯時分明夕嵐無處所

維

蒼蒼落日時鳥聲亂溪水緣溪路轉深幽興何時已

迪

茱萸泝云結實紅且綠復如花更開山中儻留客置此芙蓉盃

維

飄香亂椒桂布葉間檀欒雲日雖迴照森沉猶自寒

迪

宮槐陌云返逕蔭宮槐幽陰多綠苔應門但迎掃畏有山僧來

維

門前宮槐陌是向欵湖道秋來山雨多落葉無人掃

迪

臨湖亭云輕舸迎上客悠悠湖上來當軒對樽酒四面芙蓉開

維

當軒彌滉漾孤月正徘徊谷口猿聲發風傳入戶來

迪

南垞云輕舟南垞去北垞森難卽融浦望人家遙遙不相識

維

孤舟信一泊南垞湖水岸落日下崦嵫清波殊森漫

迪

欵湖云吹簫凌極浦日暮送夫君湖上一迴首青山卷白雲

維

空闊湖水廣青熒天色同艤舟一長嘯四面來清風

迪

柳浪云分行接綺樹倒影入清漪不學御溝上春風傷別離

維

映池同一色逐吹散如絲結陰旣得地何謝陶家詩

迪

欒家瀨云颯颯秋雨中淺淺石榴瀉跳波自相濺白鷺驚復下

維

瀨聲喧極哺浞涉向南津汎汎鷗鳧渡時時欲近人

迪

金屑泉云日飲金屑泉少當千餘歲翠鳳翊文螭羽節朝玉帝

維

縈渟澹不流金碧如可拾迎晨含素華獨往事朝汲

迪

白石灘云清淺白石灘綠蒲尙堪把家住水東西浣沙明月下

維

跂石復臨水弄波情未極日下川上寒浮雲澹無色

迪

維

北垞云北垞湖水北雜樹映朱欄逶迤南川水明滅青林端

維

南山北垞下結宇臨欹湖每欲採樵去扁舟出菰蒲

迪

維

竹里館云獨坐幽篁裏彈琴復長嘯深林人不知明月來相照

維

來過竹里館日與道相親出入唯山鳥幽深無世人

迪

維

辛夷塢云木末芙蓉花山中發紅萼澗戶寂無人紛紛開且落

維

綠堤春草合王孫自留翫況有辛夷花色與芙蓉亂

迪

維

漆園云古人非傲吏自闕淫世務偶寄一微官婆婆數株樹

維

好閑早成性果此諧宿諾今日漆園遊還同莊叟樂

迪

維

椒園云桂樽迎帝子杜若贈佳人椒漿奠瑤席欲下雲中君

維

丹刺刺人衣芳香留過客幸填調鼎用願君垂採摘

迪

維

李頎聖善閣送迪入京云雪華歛高閣苔色上鈎欄藥草空階靜梧桐返

照寒清吟可愈疾攜手暫同歡墜葉和金磬飢鳥鳴露盤伊川惜東別灞
水向西看舊託含香署雲霄何足難

崔興宗

興宗爲右補闕時和王譙勅賜櫻桃詩云未央朝謁正逶迤天上櫻桃錫
此時朱實初傳九華殿繁花舊雜萬年枝全勝晏子江南橘莫比潘家大
谷梨聞道令人顏色好神農本草自應知

喜羣公訪林亭云窮巷深林常閉關悠然獨臥對前山今朝忽枉嵇生駕
倒屣開門遙解顏

王維詩云綠樹重陰蓋四隣青苔日厚自無塵科頭箕踞長松下白眼看
君是甚人

盧象云映竹時聞轉轆轤當窗只是網蜘蛛主人非病常高臥環堵蒙籠
一老儒

王縉云聲名不問十年餘老大誰能更讀書林中獨酌隣家酒門外時聞

長者車

裴迪云喬柯門裏自成陰散髮窗中曾不簪逍遙且喜從吾事榮寵從來

非我心

時號興宗
爲處士

又王維有崔九往南山馬上口號與別云城隅一分首幾日還相見山中
有桂花莫待花如霰

裴迪云歸山深淺去須盡丘壑美莫學武陵人暫遊桃源裏

興宗留別云駐馬欲分襟清寒御溝上前山氣景佳獨往還惆悵

王維與興宗寫真詠云畫君年少時如今君已老今時新識人知君舊時
好

王維送興宗遊蜀云送君從此去轉覺古人稀徒御猶回首田園方掩扉
出門當旅食中路授寒衣江漢風流地遊人何歲歸

唐詩紀事卷第十六

唐詩紀事卷第十七

賀知章

賀蘭進明

李邕

陰行先

李伯魚

趙冬曦

尹恣

崔成甫

李昂

殷遙

徐延壽

苑咸

丘爲

賀知章

詠柳云碧玉妝成一樹高萬條垂下綠絲條不知細葉誰裁出二月春風

似剪刀

曉發詩云故鄉杳無際江皋聞曙鐘始見沙上鳥猶埋雲外峯

毛本云集載曉發詩

云江皋聞曙鐘輕棹理還聊海潮夜約約川露晨溶溶始見沙上鳥猶埋雲外峯故鄉杳無際明發懷朋從

知章年八十六臥病冥然無知疾損上表乞爲道士還鄉明皇許之捨宅

爲觀賜名千秋命其男曾子會稽郡司馬賜鑑湖剡川一曲

先乞官湖數頃得放生池

因賜剡川一曲詔令供帳東門百寮祖餞御製送詩并序云天寶二年太子賓客

賀知章鑒足足之分抗歸老之疏解組辭榮志期入道朕以其年在遲暮

用循掛冠之事俾遂赤松之遊正月五日將歸會稽遂餞東路乃命六卿
庶尹大夫供帳青門寵行邁也豈惟崇德尙齒抑亦勵俗勸人無令二疏
獨光漢冊乃賦詩贈行詩云遺榮期入道辭老竟抽簪豈不惜賢達其如
高尚心寰中得祕要方外散幽襟獨有青門餞羣英悵別深又云筵開百
壺餞詔許二疏歸仙記題金籙朝章拔羽衣悄然承睿藻行路滿光輝

李林甫詩云挂冠知止足豈獨漢疏賢入道求真侶辭恩訪列仙睿文含
日月宸翰動雲煙鶴駕吳鄉遠遙遙南斗邊

知章採蓮詩云稽山雲霧鬱嵯峨鏡水無風也白波莫言春度芳菲盡別
有中流採芰荷

朝士以知章吳越人戲云南金復生中土知章賦詩云鈿鏤銀盤盛蛤蜊
鏡湖蓴菜亂如絲鄉曲近來佳此味遮渠不道是吳兒

神龍中知章與越州賀朝萬齊融楊州張若虛邢巨湖州包融俱以吳越
文詞俊秀名聞上京朝止山陰尉齊融崑山令若虛兗州兵曹巨監察御

史融遇張九齡引爲懷州司戶集賢直學士知章最貴神龍中又有尉氏李澄之善五言詩終宋州參軍

知章送張說巡朔方應制云荒境盡懷忠梯航已自通九攻雖不戰五月尙持戎遣戍徵周牒臨邊重漢功選車命元宰授律取文雄胄出天弧上謀成帝幄中詔旂分夏物專討錫唐弓帳宿伊川右鉦吹晉苑東饗人藉賈實樂正理絲桐岐陌涵餘雨離川照晚虹恭聞詠方叔千載舞皇風又送張說集賢上學士應制云西學垂玄覽東堂發聖謩天光燭武殿時宰集鴻都枯朽霑皇澤翽飛舞帝梧跡同遊汗漫榮是拔泥塗三歎承湯鼎千歡接舜壺微軀不可答空欲詠依蒲

賀蘭進明

古意云秦庭初指鹿羣盜滿山東忤意皆誅死所言誰肯忠武關猶未啓兵入望夷宮爲崇非涇水人君道自窮又云崇蘭生澗底香氣滿幽林采欲爲贈何人是同心日暮徒盈把徘徊憂思深慨然紉雜佩重奏丘中

琴

祿山亂進明守臨淮以御史大夫爲節度使張巡睢陽之圍遣南霽雲乞
師不應霽雲去抽矢回射佛寺浮圖曰吾殺賊必滅賀蘭此矢所以志也
行路難云君不見崑下井百尺不及泉君不見山上苗數寸臨雲煙人生
賦命亦如此何苦太息自憂煎但願親友長含笑相逢莫乏杖頭錢寒夜
邀歡須秉燭豈得容思花柳年又云君不見門前柳榮耀暫時蕭條久君
不見陌上花狂風吹去落誰家誰家思婦見之歎蓬首不妝心歷亂盛年
夫婿長離別歲暮見之色凋換又云君不見芳樹枝春花落盡蜂不窺君
不見梁上泥秋風始高鷺不栖蕩子從軍事征戰蛾眉嬋娟守空閨獨宿
自然堪下淚況復更聞烏夜啼又云君不見雲閒月慳盈復還缺君不見
林下風聲遠意難窮親故平生或聚散歡娛未盡罇中空歎息青青陵上
柏歲寒能與幾人同又云君不見東流水水去無窮已君不見西郊雲日
夕空氣氳羣鴈徘徊不能去一鴈驚鳴復失羣人生結交在終始莫以升

沈中路分右行路難商璠取於河岳英靈集

進明登開元十六年進士第肅宗時進明為北海太守詣行在上命房琯以進明為南海太守兼御史大夫嶺南節度史琯以為攝御史大夫進明入謝遂譖之上由是疎琯

李邕

李之芳自尚書郎出為齊州司馬製新亭邕有登歷下古城員外孫新亭詩云吾宗固神秀體物寫謀長形制開古跡曾冰延樂方太山雄地理巨壑眇雲莊高興泊煩促永懷清典常含弘如四大出入見三光負郭喜粳稻安時歌吉祥之芳太宗子蔣王暉之後善五言時初為祿山范陽司馬祿山叛自拔歸

子美八哀詩有祕書監江夏李邕詩云長嘯宇宙閒高才日陵替古人不可見前輩復誰繼憶昔李公存詞林有根柢唐文苑傳李邕廣陵江都人父善嘗注文選六十卷行於

時邕少知名長安初李嶠張廷珪並薦邕詞高行直堪為諫聲華當健筆灑落富清製風流散金石追

琢山岳銳邕早擅才名尤長碑頌中朝情窮造化理學貫天人際干謁走

其門碑板照四裔各滿深望還森然起凡例蕭蕭白楊路洞徹寶珠惠龍

宮塔廟湧浩劫浮雲衛宗儒俎豆事故吏去思計眊昧已皆虛跋涉曾不

泥向來映當時豈獨勒後世豐屋珊瑚鉤騏驎織成罽紫駟隨劍几義取

無虛歲分宅脫驂閒感激懷未濟衆歸賙給美擺落多藏一作穢邕素負

被貶斥皆以邕能文養生獨步四十年風聽九皋唳邕知名長安

信陵之流執事忌勝剝落在外賦甚得玄宗旨後因上嗚呼江夏姿竟掩

四十年閒可謂獨步矣累獻詞賦聽故有九皋唳之句文士推重之面折二張

宣尼袂往者武后朝引用多寵嬖否臧太常議邕有章巨源諡

勢初邕為左拾遺俄而御史中丞宋璟奏侍臣張昌宗兄弟有不順之言

則天色解始允宋璟既出或謂邕曰子名位尚卑若不稱衰俗凜生風排

旨禍福將不測何為造次如是邕曰不顛不狂其名不章衰俗凜生風排

蕩秋旻霽忠正負冤恨宮闕深旒綴放逐早聯翩低垂困炎癘邕始以與

貶雷州立宗初又貶後召還為姚崇所嫉貶括州後為陳州立宗東封回
人孔璋上疏救之會赦免貶欽州後於嶺南從中官楊思勗討賊有功轉
括滯滑三州刺史上計京師邕少有名累被貶逐不識京洛阡陌聚
觀以為古人或傳眉目有異衣冠望風尋訪門巷又日斜鵬鳥入魂斷蒼
中使臨問索其新文復為人陰中竟不得進用也

梧帝榮枯走不暇星駕無安稅幾分漢庭竹漢制以竹使符分給郡守夙

擁文侯筆終悲洛陽獄事近小臣敝禍階初負謗易力何深濟邕與柳勣

勣下獄吉溫令勣引伊昔臨淄亭酒酣託末契甫有陪李北海宴重敘東

都別朝陰改軒砌論文到崔蘇崔信明蘇源明二指盡流水逝近伏盈川

雄唐文苑傳楊炯為盈川令卒張說曰楊盈川文思如未甘特進麗張說

嶠之文如良金玉無施不是非張相國相扼一危脆立宗東封回邕於

可特進李嶠為特進故也又素輕張說與相惡說為中書令甚惡之爭名豈古然鍵捷歛不閉例

及吾家詩曠懷掃氛翳慷慨嗣真作咨嗟玉山桂鍾律儼高懸鯤鯨噴迢

遼坡陁青州血蕪沒汶陽瘞邕葬所也哀贈竟蕭條恩波延揭厲代宗時國恩

子孫在如綫舊客舟凝滯君臣尙論兵將帥接燕薊朗詠六公篇邕有五張

公泊狄憂來豁蒙蔽盧藏用嘗謂邕如干將莫耶難與邕字太和揚州人

既冠見李嶠願一見祕書乃假直祕閣累以罪譴開元末歷淄滑二州刺

史上計京師阡陌聚觀出為北郡太守李林甫忌之天寶末以柳勣事遣

御史就郡杖殺之先是邕王弼王琚皆耆艾補外久書疏尺題有譴謫留落之句林甫故陰議除之

陰行先

張燕公說至湘有九日登高詩云西楚茱萸節南淮戲馬臺寧知洹水上復有菊花盃亭帳憑高出親遊自遠來短歌將急景同使興情催

行先和云重陽初啓節無射正飛灰寂寞風蟬至連翩霜鴈來山棠紅葉下岸菊紫花開今日桓公坐多愧孟嘉才

行先開元閒爲湘州從事

李伯魚

伯魚桐竹詩云北竹青桐北南桐綠竹南竹林君早愛桐樹我初貪鳳栖桐不媿鳳食竹何慙棲食更如此餘非鳳所堪

張燕公說和云結廬桐竹下室邇人相深接垣分竹徑隔戶共桐陰落花朝滿岸明月夜披林竹有龍鳴管桐留鳳舞琴

伯魚臨淄人登開元六年進士第善爲文擢校書郎出爲青州司功而卒其妻范陽張氏女燕公之妹也燕公銘張氏墓云送我伯妹萬安之墳精靈何處爲雨爲雲彼臨淄兮千里望條忽兮夫君

趙冬曦

和張燕公說早霽南樓詩云方曙躋南樓凭軒肆遐矚物華蕩暄氣春景媚晴旭川霽湘山孤林芳楚郊縟列巖重疊翠遠岸透迤綠風帆摩天垠漁艇散灣曲鴻歸鶴舞遠猿叫鶯斷續羣動皆熙熙噫予獨羈束常欽才子義忌鵬傷踉跄雅尙騷人文懷沙何迫促未知二賢意去矣從所欲

和張說耗磨日飲云春來半月度俗忌一朝閒不酌他鄉酒無堪對楚山

冬曦定州人開元初爲監察御史坐事流岳州召還復官

酬燕公見歸田賦垂贈之作云窮鳥嬰籠綴孤飛任播遷鷓鴣王佐用復此挫冲天楚雲何掩鬱湘水亦迴遄懷哉愧木鴈忽爾枉蘭荃愈疾同枚

毛本云別刻載此題詩云上月今朝減
流傳耗磨辰還將不事事同醉俗中人

叔銷憂比仲宣歸途書可畏弱操石猶堅覆載雖云廣涔陽直塊然

澇湖作云三湖返入兩山閒畜作澇湖彎復彎暑雨奔流湘正滿微霜及

潦水初還水還波卷溪潭涸綠草芊芊岸嶄峿適方飛棹共迴旋已復揚

鞭恣行樂道傍耆老步蹢蹢楚言茲事不知年試就湖邊披草徑莫疑東

海變桑田君訝今時盡陵陸我看明歲更淪漣來今去昔無終始人事迴

環常若是應思闕下聲華日誰謂江潭旅遊子初貞正喜適當然往蹇來

譽宜可俟盈虛用捨輪輿旋勿學靈均遠問天

序云巴邱南澇湖者蓋沅湘澧汨之餘波淪匯洞庭

澇澇千里夏潦成湖秋冬爲野爾雅云水返入爲澇斯名之作有由焉爾

和燕公岳州山城云爲吏恩猶舊投沙惠此蒙江邊悠爾處泗上宛然同

訪道精言合論經大義通鳴琴有奇氣況已沐清風

陪燕公行郡竹籬云良臣乃國寶麾守去承明外戶人無閉浮江獸已行

隨來晉盜逸民化蜀風清郭郭從彝典州閭荷德聲小人被天渥流落巴

丘城所賴中和作優游鑿與耕

酬燕公出湖見寄云綸紱有成命旌麾不可攀湘川朝日斷荆闕夕波還
果枉東瞻唱興言夕放閒攜琴仙洞中置酒滄湖上芳景恣行樂謫居忽
如忘聚散本相因離情自悲悵鸞翮非常戢鵬天會昭曠永懷宛洛游曾
是彈冠望

和燕公游滄湖上寺云江外多山水招要步馬來琴將天籟合酒共鳥聲
催巖坐攀紅藥溪行愛綠苔所懷非此地游望亦徘徊

和燕公別滄湖云南湖美泉石君子翫幽奇灣澳陪臨泛巖岵共踐窺秋
風頰桂竦春景綠楊垂郢路委分竹湘濱擁去麾枉帆懷勝賞留景惜差
池水木且不棄情遊一作由良可知

尹恣

陪燕公登南樓詩云君子每垂眷江山共流眄水遠林外明崑近霧中見
終日西北望何處是京縣屢登高春臺徒使淚如霰燕公和云危樓寫明
洞積水照城隅命駕邀漁父通家引鳳雛山晴紅藥市洲曉綠苗鋪舉目

思鄉縣春光定不殊

趙冬曦云抑鬱何以歡陰氛亦登望孤島輕霧裏行舟白波上目勞西北雲心醉東南障昔日青溪子胡然此惆悵

秋夜遊澗湖詩云熊軾巴陵地鷁舟湘水潯江山與勢遠泉石自幽深杏

靄入天壑冥茫見道心超然無俗事清宴有深林又云江上饒奇山巘羅

雲水閒風和樹色雜苔古石文斑巴浴將千滢澗湖凡幾灣嬉遊竟不盡

乘月泛舟還悉序云燕公以司馬初到趙侍御客焉肆理方舟嬉遊澗壑覽山川之異探泉石之奇聘望崇朝留樽待月一時之樂豈

不盛燕公和云澗湖佳可遊既近復能幽林裏棲清舍山閒轉去舟鴈飛

江月冷猿嘯野風秋不是迷鄉路尋奇更泝流又云坐嘯人事閒佳遊野

情發山門送落照湖口望升月林尋猿狖居水戲黿鼉穴朔風吹飛鴈芳

草亦云歇

趙冬曦云政理常多暇方舟此泝洄吹笙虛洞答舉楫便風催山暗雲猶

辨潭幽月稍來清溪無數曲未盡莫先回又云煙靄夕微蒙幽灣賞未窮

艤舟待初月
褰幌招遠風
鶴聲聒前浦
人火明暗叢
東山雲壑意
不謂爾來同

張均云遠水沈西日
寒沙聚夜鷗
平湖乘月滿
飛棹接星流
黃葉鳴淒吹
蒼葭掃暗洲
願移滄浦賞
歸侍潁川遊
又云灣潭幽意深
杳靄涌寒岑
石痕秋水落
風聚夕陽沈
澄澈天爲底
淵玄月作心
清溪非大隱
歸棄白雲溥

汎洞庭云風光浙浙草中飄
日采熒熒水上搖
幸奉瀟湘雲壑意
山傍容與動仙橈
燕公和云平湖一望水連天
秋景千尋下洞泉
忽驚水上光華滿
疑是乘舟到日邊

悉開元時張燕公岳州從事官補闕

崔成甫

李曰詩崔侍御是也

贈李白云我是瀟湘放逐臣
君受明主漢江濱
天外常求太白老
金陵捉得酒仙人
白和云巖陵不從萬乘遊
歸臥空山鈞碧流
自是客星辭帝座

元非太白醉揚州李白澤畔吟序云澤畔吟者逐臣崔公所作云代業文
宗早茂才秀起家校書蓬山再尉關輔中佐于憲軍因貶湘陰流離沅湘
摧頓草莽忠憤義烈形於清辭其怨者之流乎

開元末長安令韋堅兼水陸轉運使鑿潭望春樓下先時民間唱俚歌曰
得體紇那邪其後得寶符於桃林時成甫爲陝縣尉變得體歌爲得寶弘
農野堅命舟人歌之成甫又廣之爲歌辭十闋白衣缺後綠衣錦半臂紅
抹額立第一船爲號頭以唱集兩縣婦女百人鮮服靚妝鳴鼓吹笛以和
之

先是人閒戲唱歌詞云得

丁紇反

體

都董反

紇那邪紇囊得體邪潭裏船車鬧

揚州銅器多三郎當殿坐看唱得體歌至開元二十九年田同秀上言見
玄元皇帝云有寶符在陝州桃林縣古關令尹喜宅發中使求而得之以
爲殊祥改桃林爲靈寶縣以韋堅爲陝郡太守鑿新潭潭成又致揚州銅
器翻出此詞廣集兩縣官使婦人唱之言得寶弘農野弘農得寶邪潭裏

船車鬧揚州銅器多三郎當殿坐看唱得寶歌成甫又作歌詞十首

李昂

雋秀等科初皆考功主之開元二十四年李昂員外性剛急不容物以舉人皆飾名求稱搖蕩主司談毀士類實竊病之而將革焉集貢士與之約曰文之美惡悉知之矣考校取捨存乎至公如有請託於時求聲於人者當首落之既而昂外舅常與進士李權鄰居相善乃舉權於昂昂怒集貢人召權庭數之權謝曰人或相知竊聞於左右非敢求也昂因曰觀衆君子之文信美矣然古人云瑜不掩瑕忠也其有詞或不典將與衆評之若何皆曰唯公之命既出權謂衆曰向之言其意屬吾也吾誠不第決矣又何籍焉乃陰求昂瑕以待之異日會論果斥權章句之疵以辱之權拱而前曰夫禮尙往來來而不往非禮也鄙文不臧既得聞命矣而執事昔有雅什嘗聞於道路愚將切磋可乎昂怒而嬉笑曰有何不可權曰耳臨清渭洗心向白雲閒豈執事之詞乎昂曰然權曰昔唐堯衰耄厭倦天下將

禪于許由由惡聞故洗耳今天子春秋鼎盛不揖讓於足下而洗耳何哉
是時國家寧謐百寮畏法令兢兢莫敢蹉跌昂聞惶駭蹙起不知所酬乃
訴於執政謂權風狂不遜遂下權吏初昂強復不受囑請及有吏議求者
莫不允從由是庭議以省郎位輕不足以臨多士乃以禮部侍郎專之
昂賦戚夫人楚舞歌云定陶城中是妾家妾年二八顏如花閨中歌舞未
終曲天下死人如亂麻漢王此地因征戰未出簾櫳人已薦風花菡萏落
轅門雲雨徘徊入行殿日夕悠悠非舊鄉飄飄處處逐君王閨門向裏通
歸夢銀燭迎來在戰場相從顧恩不顧己何異浮萍寄深水逐戰曾迷隻
輪下隨君幾陷重圍裏此時平楚復下一作齊咸陽宮闕到關西珠簾夕
殿聞鐘磬白日秋天憶鼓鞳君王縱恣翻成誤呂后由來有深妬不奈君
王容顏一作髮衰相存相顧能幾時黃泉白骨不可報雀釵翠羽從此辭君
楚歌兮妾楚舞脈脈相看兩心苦曲未終兮袂更揚君流涕兮妾斷腸已
見儲君歸惠帝徒留愛子付周昌

殷遙

題友人亭云故人雖薄宦往往涉清溪
鑿牖對山月褰裳拂澗霓遊魚逆
水上宿鳥向風棲一見桃花發能令秦漢迷

山行云寂歷青山曉山行趣不稀
野花成子落紅鴈引雛飛暗草薰苔徑
晴楊拂石磯俗人猶語此余亦轉忘歸

王維哭遙云人生能幾何畢竟歸無形
念君等爲死萬事傷人情慈母未
及葬一女纔十齡泚泚寒郊外蕭條聞哭聲
浮雲爲蒼忙飛鳥不能鳴行人同寂寞
白日自悽清憶昔君在時問我學無生
勸君苦不早令君無所成故人各有贈
又不及生平負爾非一途慟哭返柴荆
又曰送君反葬石樓山松柏蒼蒼賓馭
還埋骨白雲長已矣空餘流水向人間
遙丹陽人天寶閒終於忠王府曹參軍

徐延壽

人日剪綵詩云閨婦持刀坐自憐
裁翦新葉催情綴色花寄手成春帖
鸞

留妝戶黏雞欲向人擎來問夫婿何處不如真
延壽開元閒江寧人處士也

苑咸

王維贈咸詩序曰苑舍人能書梵字兼達梵音曲盡其妙戲爲之贈詩云
名儒待制滿公車才子爲郎典石渠蓮華法藏心懸悟貝葉經文手自書
楚詞共許勝揚馬梵字何人辦魯魚故舊相望在三事願君莫厭承明廬
咸答詩蓮華梵字本從天華省仙郎早悟禪三點成伊猶有想一觀如幻
自忘筌爲文已變當時體入用還推閒氣賢應同羅漢無名欲故作馮唐

老歲年

王爲庫部員外郎久不遷故咸末句及之王
答云仙郎有意憐同舍丞相無私斷掃門

咸成都人開元末上書拜司經校書中書舍人顏真卿序孫逖文集曰公
之除庶子也苑咸草詔曰西掖掌綸朝推無對議者以爲知言唐人推咸
爲文誥之最後貶漢東郡司戶參軍復起爲舍人終永陽太守始咸舉進
士在京仲夏忽染疾而卒三日復蘇云見人追至陰司見劉敬則爲冥官

乃同舉進士也問其故乃曰追城乃誤召公遣追押還咸曰數上京不獲家遠且貧試閱籍若有科第官職卽願生還劉謂曰君來春登第歷臺省至中書舍人

丘爲

爲蘇州嘉興人事繼母孝常有靈芝生堂下累官太子右庶子時年八十餘而母無恙給俸祿之半及居憂觀察使韓滉以致仕官給祿所以惠養老臣不可在喪而異惟罷春秋羊酒初還鄉縣令謁之爲候門磬折令坐乃拜里胥立庭下旣出乃敢坐經縣宅降馬而趨卒年九十六與劉長卿善長卿送爲赴上都詩云帝鄉何處是歧路空垂泣楚思愁暮多川程帶潮急潮歸人不歸獨向回塘立王摩詰送爲往唐州詩云四愁連漢水百口寄隨人

爲尋西山隱者不遇詩云絕頂一茅茨直上三十里扣關無僮僕窺室唯案几若非巾柴車應是釣秋水差池不相見黽俛空仰止草色新雨中松

聲晚秋裏及茲契幽絕自足盪心耳雖無賓主意頗得清淨理興盡方下山何必待之子

摩詰賦左掖梨花詩云閒灑階邊草輕隨箔外風黃鸝弄不足銜入未央

宮為和云冷豔全欺雪餘香乍入衣春風且莫定吹向玉階飛皇甫冉詩

云巧解迎人笑偏能亂蝶飛春風時入戶幾片落朝衣思慙尋逢

云巧解迎人笑偏能亂蝶飛春風時入戶幾片落朝衣思慙尋逢

云巧解迎人笑偏能亂蝶飛春風時入戶幾片落朝衣思慙尋逢

云巧解迎人笑偏能亂蝶飛春風時入戶幾片落朝衣思慙尋逢

云巧解迎人笑偏能亂蝶飛春風時入戶幾片落朝衣思慙尋逢

云巧解迎人笑偏能亂蝶飛春風時入戶幾片落朝衣思慙尋逢

云巧解迎人笑偏能亂蝶飛春風時入戶幾片落朝衣思慙尋逢

云巧解迎人笑偏能亂蝶飛春風時入戶幾片落朝衣思慙尋逢

唐詩紀事卷第十七

唐詩紀事卷第十八言其大父文源余欲補續不日錄余因系其官

杜甫事謝李白爾哉于美文將編業習于美之琳璣事欲謝爾哉

氏或杜甫尚不論其舊傳世與平余嘗煇辨其文體眼時備與來

元稹作子美墓銘曰余讀詩至杜子美而知古人之才有所總萃焉始堯舜之君臣以賡歌相和是後詩人繼作歷夏殷周千餘年仲尼緝拾選練取其干預教化之尤者三百篇其後無聞焉騷人作而怨憤之態繁然猶去風雅日近尙相比擬秦漢已還采詩之官既廢天下俗謠民謳歌頌諷賦曲度嬉戲之詞亦隨時間作至武帝賦柏梁詩而七言之體具蘇子卿李少卿之徒尤工爲五言雖句讀文律各異雅鄭之音而詞意闊遠指事言情自非有爲而爲則文不妄作建安之後天下之士遭罹兵戰曹氏父子鞍馬閒爲文往往橫槩賦詩故其適文壯節抑揚怨哀悲離之作尤極於古晉世風槩猶存宋齊之間教失根本士以簡慢矯飾相尙文章以風容色澤放曠精清爲高蓋吟寫性靈流連光景之文也意義格力無取

焉陵遲至梁陳淫豔刻飾佻巧小碎之詞又宋齊之所不取唐興學官大振歷世之文能者互出而又沈宋之流研鍊精切穩順聲勢謂之爲律詩由是而後文變之體極焉而又好古者遺近務華者去實效齊梁則不逮於晉魏工樂府則力屈於五言律切則骨格不有閒暇則纖穠莫備至於子美所謂上薄風雅下該沈宋言奪蘇李氣吞曹劉掩顏謝之孤高雜徐庾之流麗盡得古今之體勢而兼昔人之所獨專矣如使仲尼考鍛其旨要尙不知貴其多乎哉苟以爲能所不能無不可則詩人以來未有如子美者是時山東人李白亦以奇文取稱時人謂之李杜余觀其壯浪縱恣擺去拘束模寫物象及樂府歌詩誠亦差肩於子美至若鋪陳終始排比聲韻大或千言次猶數百詞氣豪邁而風調清深屬對律切而脫棄凡近則李尙不能歷其藩翰況堂奧乎余嘗欲條析其文體別相附與來者爲之準病懶未就爾適子美之孫嗣業啓子美之柩襄耐事於偃師途次于荆楚雅知余愛言其大父之爲文祈余爲誌辭不可絕余因系其官

閱而銘其卒葬云系曰晉當陽成侯姓杜氏下十世而生依藝依藝令於
鞏生審言善詩官至膳部員外郎審言生閒閒生甫爲奉天令甫字子美
天寶中獻三大禮賦明皇奇之命宰相試文文善授右衛率府胄曹屬京
師亂步謁行在授左拾遺以直言失官出爲華州司功尋遷京兆功曹劍
南節度使嚴武狀爲工部員外參謀軍事旋又棄其官扁舟下荆楚閒竟
以寓卒旅殯岳陽享年五十九夫人弘農楊氏女父曰司農少卿怡四十
九年終嗣子曰宗武病不克葬沒命其子嗣業以家貧無以給喪收拾乞
丐焦勞晝夜去子美沒後餘四十年然後卒先人之志亦足爲難矣銘曰
惟元和之癸巳粵某月某日之佳辰合窆我杜子美於首陽之山前嗚呼
千歲而下曰此文先生之古墳

樂天曰杜詩最多至於貫穿今古翫縷格律盡工盡善又過於李然撮其
新安石濠潼關吏蘆子關花門之章朱門酒肉臭路有凍死骨之句亦不
過三四十杜尙如此況不達者乎

睿宗先天元年癸丑是歲甫生明皇開元三年丙辰於鄜城觀公孫大娘

舞劍器是年才四歲必有誤天寶元年癸未南曹小司寇為山之作時年

三十一天寶十一年癸巳上韋相詩有龍飛四十春帝即位四十年時有

兵車行麗人行十三年乙未上三大禮賦甫年四十三召試文章授河西尉不行改右衛率

府曹十四年丙申是年十一月初自京赴奉先有詠懷詩是月祿山亂以

避亂鄜州獨陷賊中天寶十五載丁酉六月帝西狩有哀王孫詩七月肅宗即位改

元至德是年避寇馮翊有白水高齋三州觀漲詩至德二年自賊中竄歸

鳳翔拜左拾遺八月墨制放往鄜州迎家有北征詩明年乾元元年收京

扈從還長安上疏論救房瑄帝怒黜甫華州司功有新安吏石壕吏新婚

別垂老別留花門洗兵馬詩明年關輔飢亂棄官之秦川乃適同谷乃入

蜀有遣興二首上元元年辛丑在蜀二年嚴武鎮蜀甫自閬往依焉明年

寶應元年癸巳有元年建巳月詩代宗廣德元年甲辰有祭房相國文武

再鎮蜀表甫參謀檢校工部員外作傷命五首永泰元年丙午武卒崔旰

殺郭英父楊子琳柏正節舉兵攻吁蜀亂甫遊東川除京兆功曹不赴大
歷元年丁未移居夔州三年出峽之荆渚至湘潭寓居耒陽五年辛亥有
追高適人日作夏甫還襄漢卒於岳陽

段成式酉陽雜俎云李白集有堯祠贈杜補闕者老杜也詩曰我覺秋興
逸誰言秋興悲山將落日去水與晴空宜雲歸北海遠雁度青天遲相失
各萬里茫然空爾思不獨飯顛山頭之句也

國朝盛文肅嘗夢朝上帝見殿上題扇云夜闌更秉燭相對如夢寐初謂
天人之作已而知子美詩也

禰衡搗漁陽搽其聲悲壯漢武時星辰影動搖東方朔謂民勞之應子美
詩云五更鼓角聲悲壯三峽星河影動搖乃用故事也先儒云不行一萬
里不讀萬卷書不知杜詩信然

詩話云有病瘡者子美曰吾詩可以療之病者曰云何曰夜闌更秉燭相
對如夢寐其人誦之瘡猶是也杜曰更誦吾詩云子璋髑髏血模糊手提

擲還崔大夫其人誦之果愈子美傲誕不冠見嚴武故詩云莫倚善題鸚鵡賦何須不着鷓鴣冠子美奉酬云謝安不倦登臨興阮籍焉知禮法疎傳敘子美傲故武積不平欲殺之冠鉤於簾者三遂止

寄韋有夏都中詩云省郎憂病士書信有柴胡飲子頻通汗懷君想報珠飲子對懷君或云沈佺期齒錄對牙緋孟浩然鷄黍對楊梅之類也

子美題李尊師松障詩云已知仙客意相親更覺良工心獨苦用意之妙有舉世莫知者此唐人所以名家也

李白

烏棲曲云姑蘇臺上烏棲時吳王宮裏醉西施吳歌楚舞懽未畢青山猶銜半邊日銀箭金壺漏水多起看秋月墜江波東方漸高奈樂何一作爾何天寶初賀知章見之曰此詩可以泣鬼神矣

蜀道難云噫噓吁危乎高哉蜀道之難難於上青天蠶叢及魚鳧開國何茫然爾來四萬八千歲乃與秦塞通人煙西當太白有鳥道可以橫絕峨

眉巔地崩山摧壯士死然後天梯石棧方一作相鉤連上有六龍迴日之高

標一作橫河斷海之浮雲下有衝波逆折之回川黃鶴之飛尚不得一作過猿猱欲度

愁攀緣一作牽青泥何盤盤百步九折縈崑巒捫參歷井仰脅息以手撫膺

坐長嘆問君西遊何時還畏途巉崑不可攀但見悲鳥號古木雄飛雌從

遶林閒又聞子規啼夜月愁空山蜀道之難難於上青天使人聽此凋朱

顏連峯去天不盈尺一作入煙幾時盡枯松倒挂倚絕壁飛湍瀑流爭喧豨冰崖

轉石萬壑雷其嶮也若此嗟爾遠道之人胡為乎來哉劍閣崢嶸而崔嵬

一夫當關萬夫莫開所守或匪親一作人化為狼與豺朝避猛虎夕避長蛇

磨牙吮血殺人如麻錦城雖云樂不如早還家蜀道之難難於上青天側

身西望長咨嗟一作令人嗟蜀道難或曰譏章仇兼瓊或曰譏嚴武之暴為房

相杜甫危之也

宮中行樂詞云小小生金屋盈盈在紫微山花插寶髻石竹繡羅衣每上

深宮裏常隨步輦歸只愁歌舞散化作彩雲飛又云柳色黃金嫩梨花白

雪香玉樓巢

一作開

翡翠珠

一作金

殿鎖鴛鴦選妓隨雕

一作朝

輦徵歌出洞房

宮中誰第一飛鸞在昭陽又云盧橘爲秦樹蒲桃在

一作是

漢宮煙花宜落

日絲管醉春風笛奏龍鳴

一作吟

水簫吟

一作鳴

鳳下空君王多樂事何必向

一作在

回中

一作萬方同

還與

又云玉樹

一作殿

春歸日

一作好

金宮樂事多後庭朝未

入輕輦夜相過笑出花閒語嬌來燭下歌莫教明月去留著醉姮娥又云

繡戶香風暖紗窗曙色新宮花爭笑日池草暗生春綠樹聞歌鳥青樓見

舞人昭陽桃李月羅綺自

一作坐

相親又云今日明光裏還須結伴遊春風

開紫殿天樂下朱樓豔舞全知巧嬌歌半欲羞更憐花月夜宮女笑藏鉤

又云寒雪梅中盡春風柳上歸宮鶯嬌欲醉簷燕語還飛遲日明歌席新

花豔舞衣晚來移綵仗行樂好光輝又云水綠南薰殿花紅北闕樓鶯歌

聞太液鳳吹遶瀛州素女鳴珠珮天人弄綵毬今朝風日好宜入未央遊

明皇坐沈香亭意有所感欲得白爲樂章召入而白已醉左右以水頰面

稍解授筆成文婉轉精切無留思清平調詞云雲想衣裳花想容春風拂

檻露華濃若非羣玉山頭見會向瑤臺月下逢又云一枝紅豔露凝香雲
兩巫山枉斷腸借問漢宮誰得似可憐飛燕倚新妝又云名花傾國兩相
歡長得君王帶笑看解釋春風無限恨沈香亭北倚欄干禁中木芍藥開
上賞之妃子從帝曰賞名花對妃子焉用舊樂詞爲命李龜年持金花牋
賜白爲清平樂詞三章梨園子弟撫絲竹李龜年歌之上親調玉笛以倚
曲每曲徧將換則遲其聲以媚之太真以玻璃七寶盃酌西涼葡萄酒笑
飲

翰林讀書言懷呈集賢院內諸學士云晨趨紫禁中夕待金門詔觀書散
遺帙探古窮至妙片言苟會心掩卷忽而笑青蠅易相點白雪難同調本
是散疎人屢貽徧促諛雲天屬清朗林壑憶遊眺一作或時清風來閒倚欄一作

簷下嘯嚴光桐廬溪謝客臨海嶠功成謝人君一作從此一投釣

高力士以脫靴之恥譖白於貴妃曰以飛燕指妃子是賤之甚也不爲親
近所容乃益放鷲爲酒八仙人懇求還山

薄陽紫極宮感秋作云何處聞秋聲脩脩北窗竹迴薄萬古心攬之不盈
掬靜坐觀衆妙浩然媚幽獨白雲南山來就我簷下宿嬾從唐生決羞訪
季主卜四十九年非一往不可復野情轉蕭散世道有翻覆陶令歸去來
田家應酒熟是時自有歸山之意矣

胡無人云嚴風吹霜海草凋筋鋒精堅胡馬驕漢家戰士二十萬將軍兼

領

一作誰者

霍嫖姚流星白羽腰閒插劍花秋蓮光出匣天兵照雪下玉關虜

箭如沙射金甲雲龍風虎盡交回太白入月敵可摧敵可摧旄頭滅履胡
之腸涉胡血懸胡青天上埋胡紫塞旁胡無人漢道昌陛下之壽三千霜
但歌大風雲飛揚安用猛士守四方此詩祿山反時作祿山死太白食月

云

東武吟云好古笑流俗素聞賢達風方希佐明主長揖辭成功白日在高
天回光燭微躬恭承鳳凰詔歛起雲蘿中清切紫霄迴優游丹禁通君王
賜顏色聲價凌煙虹乘輿擁翠蓋扈從金城東寶馬麗絕景錦衣入新豐

倚巖望松雪對酒鳴絲桐因學揚子雲猶賦甘泉宮天書美片善清芬播
無窮歸來向咸陽談笑皆王公一朝去金馬飄落成飛蓬賓友日踈散玉
樽日成空才力猶可倚不慙世上雄閒作東武吟曲盡情未終書此謝知
已吾尋黃倚翁

扁舟尋釣翁

或曰白以是詩留別翰苑遂放遊江湖矣

對酒憶賀監序云太子賓客賀公於長安紫極宮一見呼余爲謫仙人因
解金龜換酒爲樂沒後對酒悵然有懷而作是詩曰四明有狂客風流賀
季真長安一相見呼我謫仙人昔好盃中物翻一作今爲松下塵金龜換酒
處卻憶淚沾巾又狂客歸四明山陰道士迎勅賜鏡湖水爲君臺沼榮人
亡餘湖宅空有荷花生念此杳如夢淒然傷我情又曰欲向江東去定將
誰舉盃稽山無賀老卻棹酒船迴

飯顆山頭逢杜甫頂戴笠子曰卓午借問因何太瘦生總爲從前作詩苦
此詩載於唐舊史

近世傳白詩云斷崖如削瓜嵐光破崖綠天河從中來白雲漲川谷玉案

勅文字世眼不可讀攝身凌青雲松風拂我足又云舉袖露條脫招我飯
胡麻

白本末傳記所載不同唐史稱白興聖皇帝九世孫隋末以罪徙西域神
龍初遁還客巴西既長隱岷山蘇頌爲益州長史見白異之更客任城與
孔巢父韓準裴政張寂明陶沔居徂徠山日沈飲號竹溪六逸天寶初南
入會稽與吳筠善筠被召故白亦至長安往見賀知章賀知章見其文歎
曰子謫仙人也

嚴武傳武爲劍南節度使房琯以故相爲部內刺史武慢倨不爲禮最厚
杜甫然欲殺甫數矣李白爲蜀道難者乃爲房杜危之也韋皋傳天寶時
李白爲蜀道難斥嚴武陸暢更爲蜀道易以美韋皋撫言云太白自蜀至
京以新業贄謁賀知章知章覽蜀道難一篇揚眉謂之曰公非人世人豈
非太白星精邪然則蜀道難之作久矣非爲房杜也

又南部新書云李白山東人父爲任城尉因家焉少與魯人隱徂徠山號

竹溪六逸天寶初遊會稽吳筠隱剡中谷稱蜀人非也今任城令廳有白之詞尙存唐范傳正誌其墓曰白涼武昭王九世孫昭王隴西人隋末子孫以罪徙西域神龍時白父客自西域逃居綿之巴西而白生焉唐魏顥李陽冰序其文劉全白撰其墓碣皆曰廣漢人故論白者或曰隴西或曰山東或曰蜀陽冰云李翰林浪跡縱酒以自昏穢詠歌之際屢稱山東李白亦云以張垞讒逐遊海岱聞子美所謂汝與山東李白好蓋白自號也蜀道難或曰作於天寶或曰作於天寶末二說皆出於後世以意逆之曰此爲房杜危之也陸暢去白未遠作蜀道易以美韋皋傳之當時而蜀道難之詞曰錦城雖云樂不如早還家其意必有所屬房杜之說蓋近之矣

白之父客于巴西故以客呼之

東蜀楊天惠彰明逸事云元符二年春正月天惠補令於此竊從學士大夫求問逸事問唐李太白本邑人微時募縣小吏入令臥內嘗驅牛經堂下令妻怒將加詰責太白亟以詩謝云素面倚欄鉤嬌聲出外頭若非是

織女何得問牽牛令驚異不問稍親招引侍研席令一日賦山火詩思乾
不屬太白從旁綴其下句令詩云野火燒山去人歸火不歸太白繼云燄
隨紅日遠煙逐暮雲飛令慙止頃之從令觀漲有女子溺死江上令復苦
吟太白輒應聲繼之令詩云二八誰家女漂來倚岸蘆鳥窺眉上翠魚弄
口旁珠太白繼云綠髮隨波散紅顏逐浪無何因逢伍相應是想秋胡令
滋不悅太白恐弃去隱居戴天大匡山往來旁郡依潼江趙徵君蕤亦節
士任俠有氣善爲縱橫學著書號長短經太白從學歲餘去遊成都賦春
感詩云茫茫南與北道直事難諧榆莢錢生樹楊花玉糝街塵縈遊子面
蝶弄美人釵卻憶青山上雲門掩竹齋益州刺史蘇頌見而奇之時太白
齒方少英氣益發諸爲詩文甚多微類宮中行樂詞體今邑人所藏百篇
大抵皆格律也雖頗體弱然短羽襍褻已有雛鳳態淳化中縣令楊遂爲
之引謂爲少作是也遂江南人自名能詩累謫爲令云始太白與杜甫相
遇梁宋閒結交歡甚久乃去客居魯徂徠山甫從嚴武成都太白益流落

不能歸故甫詩又云匡山讀書處頭白好歸來然學者多疑太白爲山東人又以匡山爲匡廬皆非也今大匡山猶有讀書臺而清廉鄉故居遺地尙在廢爲寺名隴西院有唐梓州刺史碑失其名及綿州刺史高祝記太白有子曰伯禽女平陽皆生太白去蜀後有妹月圓前嫁巴子留不去以故葬邑下墓今在隴西院旁百步外或傳院乃其所捨云

白詩云昔作芙蓉花今爲斷腸草以色事他人能得幾時好陶弘景仙方云斷腸草不可食其名美好名芙蓉乃知詩人無一字閒話

唐詩紀事卷第十九

崔宗之 敬括 蘇源明

崔宗之

宗之襲父日用齊國之封好學寬博有風舉與李杜以文相知贈李白云

涼秋八九月白露空園一作庭耿耿意不暢捎捎一作梢風葉聲思見雄俊

士共話今古情李侯忽來儀把袂苦不早清論既抵掌玄談多絕倒分明

楚漢事歷歷王霸道擔囊無俗物訪古千里餘袖有七首劍懷中茂陵書

雙眸光照人詞賦凌子虛酌酒絃素琴霜氣正凝結一作潔平生心中事今

日為君說我家有別業寄在嵩之陽明月出高岑清溪澄素光雲散窗戶

靜風吹松桂香子若同斯遊千載不相忘白和云朔風一作雲橫高天萬里

起秋色壯士心飛揚落日空歎息長嘯出原野凜然寒風生幸遭聖明時

功業猶未成奈何懷良圖鬱悒猶愁坐一作空獨杖策尋英豪立談乃知我崔

公生人秀緬邈青雲姿制作參造化託諷合神祇海岳尚可傾吐諾終不

移是時霜飆寒逸興臨華池起舞拂長劍四座皆揚眉因得窮歡情贈我
以新詩又結瀚漫期九垓遠相待舉身憩蓬壺濯足弄滄海從此凌倒景
一去無時還朝遊明光宮暮出闐闔關但得長把袂何必嵩丘山
宗之爲侍御史謫官金陵與白詩酒唱和月夜乘舟自采石達金陵

敬括

孫晦折眸

括字叔弓河中人爲殿中侍御史不諧附楊國忠出知果州入爲兵侍志
簡淡不求名後刺同州隱然持重大歷中卒

括試七月流火云前庭一葉下言念忽悲秋變節金初至分寒火正流氣

含涼夜早光拂夏雲收助月微明散沿河麗景浮禮標時令美

一作爽

詩興

國風幽自此觀邪正深知王業休

房瑄

瑄宰盧氏王維贈詩云達人無不可忘己愛蒼生豈復小千室絃歌在兩
楹又云視事兼偃臥對書不簪纓蕭條人吏疎鳥雀下空庭是時瑄之清

名已重於搢紳矣瑄題漢州西湖云高流纏峻隅城下緬丘墟決渠信浩
蕩潭島成江湖結宇依回渚水中信可居三伏氣不蒸四達暑自徂故人
千里駕鄰國五馬車月出共登舟風生隨所如舉麾指極浦欲極更盤紆
繚繞各殊致夜盡情有餘遭亂意不開卽理還暫祛安得長晤語使我憂
更除瑄字次律融之子也相肅宗有遠器好談老子浮屠法高談有餘而
不切事

史衣蘇源明

天寶十二載源明守東平宴濮陽守崔季重魯郡李蘭濟南田琦濟陽李
陵于洄源亭爲小洞庭五太守讌集載其歌曰小洞庭兮寓一作牽方舟風

嫋嫋兮離平流寓方舟兮小洞庭雲微微兮連絕崕層瀾壯兮緬以沒重
崑轉兮超以忽馮夷逝兮護輕橈蛟龍行兮落中潮泊中湖兮澹而閒並
曲激兮悵而還適予手兮非予期將解袂兮藁予思尙君子兮壽厥身承
明主兮憂斯人其後以國子司業召須昌尉袁廣餞于小洞庭復歌曰浮

漲湖兮莽條遙川后禮兮扈予橈橫增沃兮蓬僊延川后福兮翼予舩月
澄凝兮明空波星磊落兮耿秋河夜既良兮酒且多樂方作兮奈別何

子美八哀詩曰武功少也孤徒步客徐克讀書東嶽中十載考墳典時下
萊蕪郭忍飢浮雲嘯負米晚為身每食險必泣夜宇照蕪薪垢衣生碧蘚

庶以勤苦志報茲劬勞願學蔚醇儒姿文包舊史善灑落辭幽人歸來潛
京輦射策君東堂宗匠集精選制可題未乾乙科已大闡文章日自負掾

史亦累踐晨趨閭闔內足踏宿昔研一麾出守還源明累遷太子論德為
東平太守故召為國子

司業也黃屋朔風卷不暇陪八駿虜庭悲所遣平生滿樽酒斷此朋知展憂

憤病二秋有恨石可轉安祿山陷京師源明以病
不受偽官黃屋車蓋也肅宗復社稷得無逆順

辨肅宗復兩京權考
功郎中知制誥范曄顧其兒李斯憶黃犬祕書茂松意再扈祠壇墀

前後百卷文枕籍皆禁鬱篆刻揚雄流溟漲本末淺青瑩芙蓉劍犀兕豈

獨剽反為後輩褻予實苦懷緬煌煌齋房芝事絕萬手拳垂之俟來者正

始徵勸勉不要懸黃金胡為投亂鬢結交三十載吾與誰遊衍滎陽復冥

莫罪罟已橫
嗚呼子逝日始泰
則終蹇
長安米萬錢
凋喪盡餘喘
戰伐何當解
歸帆阻清沔
尚纏漳水疾
永負嵩里餞

詩中祭陽謂鄭虔也

唐詩紀事卷第二十

鄭虔

嚴武

史俊

李適之

祖詠

李頎

綦毋潛

趙謙光

李元操

薛令之

張諲

陶翰

顏舒

王琚

王熊

薛維翰

崔巨

朱琳

王冷然

萬楚

胡皓

袁瓘

柳識

高力士

高霽

增韋權與

息夫牧

崔曙

鄭虔

虔閨情云銀鑰開香閣金臺點夜燈長征君日慣獨臥妾何曾

子美詩云鷓鴣至魯門不識鐘鼓響孔翠望赤霄愁思雕籠養榮陽冠眾

儒早聞名公賞地崇士大夫況乃氣清爽天然生知姿學立游夏上神農

或闕漏黃石愧師長藥纂西極名兵流指諸掌貫穿無遺恨蒼葛何技癢

圭臬星經奧蟲篆丹青廣

按新史虔集撰當世著書八十餘篇有窺其藁者上書告虔私撰國史虔蒼黃焚之坐謫十年

命其書為蒼葢孔子作春秋游夏不能贊度私撰國史出其上也神子雲
農黃石藥纂兵流者古書也言度無不貫穿復游藝星經丹青之類

窺未徧方朔諧太枉神翰顧不一體變鍾兼兩度好書及畫恨無紙慈恩寺貯柿葉數屋度取書歲

久皆徧矣文傳天下口大字猶在榜昔獻書畫圖新詩亦俱往滄洲動玉陛宣

鶴誤一響三絕自御題四方允所仰度自寫其詩並畫以獻帝大署其尾曰鄭度三絕宜一作寡嗜酒

益疏放度嗜酒疏放故杜甫贈詩云賴得蘇司業時時與酒錢司業源明也彈琴視天壤形骸實土木親近

唯几杖未曾寄官曹突兀倚書幌度初坐謫還京師上愛其材欲置左右以不事事更為置廣文館以度為博士

度聞命不知廣文曹司何在訴宰相曰上增國學置廣文館以居賢者令後世言廣文博士自君始不亦美乎晚就芸香閣胡

塵昏泆漭反覆歸聖朝點染無滌蕩老蒙台州掾泛泛浙江槩安祿山反遣張通儒

劫百官置東都偽授水部郎中因稱風緩求攝市令潛以密草達靈武賊平免死貶台州司戶參軍履穿四明雪饑拾遺溪

橡空聞紫芝歌不見杏壇丈天長眺東南秋色餘魍魎別離慘至今斑白

徒懷曩春深秦山秀葉墜清渭朗劇談王侯門野稅林下鞅操紙終夕酣

時物集遐想詞場竟疏闊平昔濫吹獎百年見存沒牢落吾安放蕭條阮

咸在出處同世網他日傍江樓含悽述飄蕩

虔滎陽人天寶初爲協律郎或告其私撰國史坐謫十年還京爲廣文博士自寫其詩畫以獻帝書曰鄭虔三絕祿山反劫爲水部郎中乃託風綏求攝市令而以密草達靈武賊平坐王維下遷而虔貶台州司戶參軍後數年卒

虔著蒼葢等諸書之外又撰胡本草七卷詩中及之子美云虔與今祕書監鄭審篇翰齊價謫江陵故有阮咸江樓之句

嚴武

巴嶺答子美見憶詩云臥向巴山落月時兩鄉千里夢相思可但步兵偏

愛酒也知光祿最能詩阮籍謝莊江頭赤葉楓愁客籬外黃花菊對誰歧馬望

君非一度冷猿秋雁不勝悲子美詩云遙知簇鞍馬迴首白雲閒

寄題杜二錦江野亭詩云漫向江頭把釣竿懶眠沙草愛風湍莫倚善題

鸚鵡賦何須不著鷓鴣冠侍中腹中書籍幽時曬肘後醫方靜處看興發會

能馳駿馬終須重到使君灘

子美八哀詩云鄭公瑚璉器華嶽金天晶昔在童子日已聞老成名巖然

大賢後復見秀骨清嚴武傳武中書侍郎挺之子神氣雋爽敏於聞見幼

歟開口取將相小心事友生甫與武世契也嘗醉登武閱書百紙盡落筆

四座驚歷職匪父任嫉邪常力爭武弱冠以門蔭策名哥舒翰奏充判官

相房瑄素重之及是首薦漢儀尙整肅時武為胡騎忽縱橫祿山之飛傳

自河隴逢人問公卿不知萬乘出雪涕風悲鳴受詞劍閣道謁帝蕭關城

河隴劍閣蕭關城事寂寞雲臺仗飄飄沙塞旌江山少使者笳鼓凝皇情

壯士血相視忠臣氣不平密論貞觀體揮發歧陽征時蕭宗感激動四極

聯翩收二京二京長安東都也二西郊牛酒再原廟丹青明匡汲俄寵辱

衛霍竟哀榮四登會府地既收長安以武為京兆少尹兼御史大夫三掌

華陽兵華陽成都也武以史思明阻兵不之官優游京師頗自矜大出為

都尹充劍南節度使入復求為方面拜成京兆空柳色尙書無履聲羣鳥

日朝夕白馬休橫行諸葛蜀人愛文翁儒化成公來雪山重公去雪山輕

記室得何遜韜鈴延子荆四郊失壁壘此失壁壘言無出成此美武能鎮靜也虛館開逢迎堂

上指畫圖軍中吹玉笙豈無成都酒憂國只細傾時觀錦水釣問俗終相

并意待犬戎滅人藏紅粟盈以茲報主願庶或稗世程炯炯一心在沈沈

二豎嬰顏回竟短折賈誼徒忠貞飛旆出江漢孤舟轉荆衡虛無馬融笛

悵望龍驤瑩空餘老賓客身上媿簪纓

武年二十二為給事黃門郎明年擁旄西蜀杜甫乘醉言不謂嚴挺之乃

有此子也武恚日久之曰杜審言孫子擬捋虎鬚舍坐皆笑以彌縫之房

太尉瑄微有所忤憂怖成疾李太白作蜀道難為房杜危之也武字季鷹

永泰初卒母哭且曰而今而後吾知免為官婢矣

子美送武入廟有鼎湖瞻望遠象闕憲章新之作武酬別云獨逢堯典日

再覩漢官時未効風霜勁空慙雨露私夜鐘清萬戶曉漏拂千旗並向殊

亭謁俱承別館追斗城憐舊路渦水惜歸期峯樹遠相伴江雲更對誰試

迴滄海棹更和敬亭詩祇是書應寄無忘酒共持但令心事在未肯鬢毛

衰最悵巴山裏清猿惱夢思

武題巴州光福寺楠木云楚江長楚寺對楠木幽生赤崖背臨溪插石盤
老根苔色青蒼山雨痕高枝闌葉鳥不度半掩白露朝與暮香殿蕭條轉
密陰花龕滴瀝垂清露聞道偏多越水頭煙生霧斂使人愁月明忽憶湘
川夜猿叫還思鄂渚秋看君幽靄幾千丈寂寞窮山今遇賞亦知鐘梵報

黃昏猶臥禪牀戀奇響

毛本云
集不載

史俊

題巴州光福寺楠木云近郭城南山寺深亭亭奇樹出禪林結根幽壑不
知歲聳幹摩天凡幾尋翠色晚將嵐氣合月光時有夜猿吟經行綠葉望
成蓋宴坐黃花長滿襟此木嘗聞生豫章今朝獨秀在巴鄉凌霜不肯讓
松柏作字猶來稱棟梁會待良工時一顧應歸法水作慈航嚴武作巴州
賦楠木歌俊後以監察御史來臨是邦亦賦焉

李適之

常山愍王孫天寶初代牛仙客爲左相適之未罷相也朝退每邀賓客談
諧賦詩曾云朱門長不閉親友恣相過年今將半百不樂復何如後爲林
甫所譖罷乃爲詩曰避賢初罷相樂聖且銜盃爲問門前客今朝幾箇來
適之入仕不歷丞簿便爲別駕不歷兩畿官便爲京兆尹不歷御史及中
丞便爲大夫不歷兩省給舍便爲宰相不歷刺史便爲節度使然不得其
死

祖詠

古意二首楚王竟何去獨自留巫山偏使世人見迢迢江水閒駐舟春潭
裏誓願拜靈顏夢寐覩神女金沙鳴珮環閒豔絕世姿令人氣力微含笑
默不語化作朝雲飛又夫差日淫放舉國求妃嬪自謂得王寵代閒無美
人碧羅蒙天閣坐輦乘芳春宮女數千騎常遊江水濱年深玉顏老時薄
花妝新拭淚下金殿嬌多不顧身生前妬歌舞死後同灰塵冢墓令人哀
哀於銅雀臺

有司試終南山望餘雪詩詠賦云終南陰嶺秀積雪浮雲端林表明霽色
城中增暮寒四句卽納於有司或詰之詠曰意盡

陸渾水亭云晝眺伊川水巖閒霽色明淺沙平有路流水漫無聲浴鳥沿
波聚潛鱗觸釣驚更尋春岸上幽意滿山楹

王維有喜祖三至留宿詩詠詩云四年不相見相見復何爲握手言未畢
卻令傷別離升堂還駐馬酌醴便呼兒語默自相對安用旁人知

詠與維
最善

詠登開元進士第

商璠云詠詩翦刻省淨用思尤苦氣雖不高調頗凌俗至如霽日園林好
清明煙火新亦可稱爲才子也張說在并州厚遇王翰旣相引爲駕部外
郎說罷相出翰仙州別駕至郡日聚英豪從禽擊鼓恣爲歡賞詠與杜華
嘗在座翰坐是貶道州司馬

開元中進士唱第尙書省落第者至省門散去詠吟日落去他三三兩兩
載帽子日暮祖侯吟一聲長安竹柏皆枯死

留別盧象云朝來已握手宿別更傷心灞水行人渡商山驛路深故情君且足謫宦我難任直道皆如此誰能淚滿襟

蘭峯贈張九皋云君王既巡狩輦路入秦京遠樹低槍壘孤山出幔城寒

疏清禁漏夜警羽林兵誰念迷方客長懷魏國情

蘇氏別業云別業居幽處到來生隱心南山當戶牖豐水映園林竹覆經

冬雪庭昏未夕陰寥寥人境外閒坐聽春禽

夕次圃田店云前路入鄭郊向經百餘里馬煩時欲歇客歸程未已落日

桑柘陰遙村煙火起西還不遑宿中夜渡涇水

題韓少府山亭云梅福幽棲處佳期不忘還鳥啼當戶竹花遶傍池山水

氣侵堦冷藤陰覆坐閒寧知武陵趣宛在市朝閒自留別盧象以下五篇姚合取為極玄集

清明宴劉司勳別業云田家復近臣行樂不遺親霽日園林好清明煙火

新以文常會友唯德自成鄰池照窗陰晚杯香藥味春簷前花覆地竹外

鳥窺人何似桃園裏深居作隱淪

李頎

緩歌行云小來託身攀貴遊傾財破產無所憂暮擬經過石渠署朝將出
入銅龍樓結交杜陵輕薄子謂言可復可死一沈一浮會有時棄我翻然
如脫屣男兒立身須自強十年閉戶穎水陽業就功成見明主擊鍾鼎食
坐華堂二八娥眉梳墮馬美酒清歌曲房下文昌宮中賜錦衣長安陌上
退朝歸五陵賓從莫敢視三省官僚揖者稀早知今日讀書是悔作從來
任俠非

聽董六

一作大

彈胡笳兼寄房給事云蔡女昔造胡笳聲一彈一十有八拍

胡人落淚向邊草漢使斷腸對歸客古戍蒼蒼烽火寒大荒陰沈飛雪白
先拂商弦後角羽四郊秋葉驚械械董夫子通神明深山竊聽來妖精言
遲更速皆應手將往復旋如有情空山百鳥散還合萬里浮雲陰且明嘶
酸雛雁失羣夜斷絕胡兒戀母聲川爲靜其波鳥亦罷其鳴烏孫部落家
鄉遠邏迢沙塵哀怨生幽音變調忽飄灑長風吹林雨墮瓦迸泉颯颯飛

木末野鹿呦呦走堂下長安城連東掖垣鳳凰池對青瑣門高才脫略名
與利日夕望君抱琴至

漁父歌云河頭何老人簑笠蔽其身避世常不仕釣魚清江濱浦沙明濯
足山月靜垂綸寓宿湍與瀨行歌秋復春持竿湘岸竹爇火蘆洲薪綠水
飯香稻青荷包紫鱗於中還自樂所欲全吾真而笑獨醒者臨流多苦辛
送暨道士還三清詩云仙官有名籍度世吳江濱大道本無我青春長與
君中州俄已到至理得而聞明主降黃屋時人看白雲空山何窈窕三秀
日氛氲遂此留書客超遙煙駕分

聖善閣送裴迪入京云雪華斂高閣苔色上鉤欄藥草空階靜梧桐返照
寒清吟可愈疾攜手暫同歡墜葉和金磬飢鳥鳴玉盤伊川惜東別灞水
向西看舊託含香署雲霄何足難

題濬一作公山池云遠公遁跡廬山岑開士幽居祇樹林片石孤峯窺色

相清池白日照禪心指揮如意天花落坐臥閒房春草深此外俗塵都不

染唯餘玄度得相尋

頌東郊寄萬楚云濩洛久無用隱身甘采薇仍聞薄宦者還事田家衣穎
水日夜流故人相見稀春山不可望黃鳥東南飛濯足豈長往一樽聊可
依了然潭上月適我胸中機在昔同門友如今出處非優游白虎殿出入

青瑣闈且有薦君表當看攜手歸寄書不代面蘭茝空芳菲

此詩取於
河嶽英靈

王母歌云武皇齋戒承華殿端拱須臾王母見霓旌照曜騏驎車羽蓋淋
漓孔雀扇手指交梨遣帝食可以長生臨寓縣頭上復戴九星冠總領玉
童坐南面欲聞要言今告汝帝乃焚香請此語若能鍊魄去三尸後當見
我天皇所顧謂侍女董雙成酒闌可奏雲和笙紅霞白日儼不動七龍五
鳳紛相迎惜哉志驕神不悅歎息馬蹄與車轍復道歌鐘杳將暮深宮桃
李花成雪爲看青玉五枝燈蟠螭吐火光已絕

樂天放言詩序云元九在江陵有放言長句詩五韻韻高而體律意古而
詞新雖前輩深於詩者未有此作唯李頌有云濟水至清河自濁周公大

聖接輿狂斯句近之矣

王摩詰贈頌詩云聞君餌丹砂甚有好顏色不知從今去幾時生羽翼王母翳華芝望爾崑崙側文螭從赤豹萬里方一息悲哉世上人甘此羶腥食

頌開元進士也

商璠云頌詩發調既清修詞亦麗漁父歌咸善玄理最長故其論道家往往高於衆作

綦母潛

早發上東門云十五能行西入秦三十無家作路人時命不將明主合布

衣空染洛陽塵顧陶取為唐類詩

春泛若耶詩云幽意無斷絕此去隨所偶晚風吹行舟花路入溪口際夜轉西壑隔山望南斗潭煙飛溶溶林月低向後生事且彌漫願為持竿叟題靈隱寺山頂禪院云招提此山頂下界不相聞塔影挂清漢鐘聲和白

雲觀空淨室掩行道衆香焚且駐西來駕人天日未曛
若耶溪逢孔九云相逢此溪曲勝託在煙霞潭裏竹影動崑陰簷際斜人
生上皇代犬吠武陵家借問淹留日春深歸若耶

冬夜寓居贈儲太祝云自爲洛陽客夫子吾知音盡義能下士時人無此
心奈何離居易巢鳥悲空林愁坐至月上復聞南鄰砧

過禪居云山頭禪室挂僧衣窗外無人溪鳥啼黃昏半在下山路卻聽松
聲戀翠微

題鶴林寺云道門隱形勝向背臨法橋松覆山殿冷花藏溪路遙珊瑚寶
幡挂燄燄明燈燒遲日半空谷春風連上潮少憑水木興慙遣身心調願
謝攜手客茲山禪侶饒

李頎送綦母三謁房給事云夫子大名下家無鍾石儲惜哉湖海上曾校
蓬萊書外物非本意此生空澹如所思但乘興遠適唯單車高道時坎珂
舊交願吹噓徒言青瑣闥不愛承明廬百里人戶滿片言諍訟疎手持蓮

花經目送飛鳥餘晚景南路別炎雲中伏初此行儻不遂歸食廬州魚
王摩詰別潛詩雲端笏明光宮歷稔朝雲陛詔刊延閣書高議平津邸適
意輕偶人虛心削繁禮盛得江左風彌工建安體高張多絕弦截河有清
濟嚴冬爽羣木伊洛方清泚渭水冰下流潼關雪中啟荷篠幾時還塵纓
待君洗

韋蘇州寄淮上綦母三詩云滿城憐傲吏終日賦新詩請報淮陰客春帆
浪作期

商璠云拾遺詩舉體清秀蕭蕭跨俗桑門之說於已獨能至如松覆山殿
冷不可多得鐘聲和白雲歷代少有借使若人加氣質減彫飾則高視三
百年之外也

潛字孝通開元中由宜壽尉入集賢院待制遷右拾遺終著作郎

趙謙光

唐諸郎中不自員郎拜者謂之士山頭果毅便拜崇品有似長征兵士便

授邊遠果毅謙光自彭州司馬入爲大理正遷戶部郎中戶部員外賀遂
涉詠曰員外由來美郎中望亦優寧知粉署裏翻作土山頭謙光答詩曰
錦帳隨情設金爐任意薰唯愁員外署不應列星文
謙光登咸亨進士第

李元操

和從叔祿愔元日早朝云銅渾變秋節玉律動年灰曖曖城霞旦隱隱禁
門開衆靈湊仙府百神朝帝臺葉令雙鳧至梁王駟馬來戈鋌映靈闕歌
管拂塵埃保章望瑞氣尙書免火災冠冕多秀士簪裾饒上才誰憐張仲
蔚日暮反蒿萊

元操開元初詩人也

薛令之

令之閩之長溪人及第遷右庶子開元中東宮官僚清淡令之題詩自悼
曰朝日上團團照見先生盤盤中何所有苜蓿長闌干飯澁匙難縮羹稀

筋易寬無以謀朝夕何由保歲寒上幸東宮覽之索筆題其傍曰啄木口
背長鳳凰羽毛短若嫌松桂寒任逐桑榆暖令之遂謝病歸

肅宗爲太子賀知章自右庶子遷賓客授祕書監令之以右補闕兼侍讀
積歲不遷故令之棄官徒步歸鄉里而知章自號祕書外監晚節尤誕放
肅宗乾元初以雅舊贈知章禮部尙書亦以舊恩召令之而令之已卒

張諲

諲官至刑部員外郎善草隸工丹青與王維李頎等爲詩酒丹青之友尤
善畫山水王維答詩曰屏風誤點惑孫郎團扇草書輕內史李頎詩曰小
山破體閒支策落日梨花照空壁詩堪記室妬風流畫與將軍作勅敵

陶翰

塞下曲云進軍飛狐北窮寇勢將變日落沙塵昏背河更一戰駿馬黃金
勒凋弓白羽箭射殺左賢王歸奏未央殿欲言塞下事天子不召見東出
咸陽門哀哀淚如霰

出蕭關懷古云驅馬擊長劍行役至蕭關悠然五原上永眺關河前北虜
三十萬此中常控弦秦城亘宇宙漢帝理旌旃刁斗鳴不歇羽書日夜傳
五軍計莫就三策議空全大漠橫萬里蕭條絕人煙孤山當瀚海落日照
祁連愴矣苦寒奏懷哉式微篇更悲秦樓月夜夜出胡天

贈鄭員外云驄馬拂繡裳按兵遼水陽西分雁門騎北逐樓煩王聞道五
軍集相邀百戰場風沙暗天起虜陣森已行儒服護諸將雄謀吞大荒金
門來見謁朱紱生輝光數載侍御史稍遷尙書郎人生志氣立所貴功業
昌何必守章句終年事倉皇同時獻賦客尙在東林傍

贈房侍御云

房在新安

志人固不羈與道常周旋進則天下仰已之能宴然褐

衣東府召執簡南臺先雄義乃特立犯顏豈圖全謫居東南遠逸氣吟芳
荃適會寥廓趣清波更負綠扁舟入五湖發纜洞庭前浩蕩臨海曲超遙
濟江壖徵奇忽忘反遇興將彌年乃悟范生智足明漁父賢郡臨新安渚
佳賞此城偏日夕對層岫雲霞映晴川閒居變秋色偃臥含貞堅倚伏自

相代行藏互推遷君期倦羽翮歲晏欲冲天

望太華贈盧司倉云作吏至西華乃觀三峯壯削成元氣中傑出太河上
如有飛動色不知青冥狀巨靈安在哉厥跡猶可望方此歎行旅末由飾
仙裝蔥蘢記星壇明滅數雲嶂良友秉真契宿心所微尙敢投歸山吟霞
徑一相訪

晚出伊闕寄河南裴中丞云退無燕息資進無當代策冉冉時歲暮坐爲
周南客前登闕塞門永眺伊城陌長川暗已空千里寒氣白家在渭水西
異日同所適秉志師禽尙微言祖莊易一辭林壑閒共繫風塵役交朋忽
先進天道何紛劇豈念嘉遁時依依偶沮溺

乘潮至漁浦作云艤棹乘早潮潮來如風雨嶂高忽已屆峯暗莫及覩崩
騰心爲失浩蕩目無主風停浪始開漾漾入漁浦雲景共澄霽江山相含
吐倬哉造化工此事已終古流沫誠足誠高歌調易苦頗因忠信全客念
猶栩栩

宿天竺寺云松柏亂崑口西山微徑通天闕一峰見宮闕生虛空正殿倚
霞壁千樓標石叢夜來猿鳥靜鐘梵寒雲中峯翠映明月泉聲亂谿風心
超諸境外了與懸解同明發唯改視朝日長崖東湖色濃蕩漾海光漸曠
隴葛仙跡尙在許氏道猶崇獨往古來事幽懷期二公

早過臨淮云夜泊三渚風晨過臨淮島潮中海氣白城上楚雲早鱗鱗魚
浦帆潏潏蘆洲草川路日浩蕩怒焉心如擣且言任倚伏何暇念枯槁范
子名屢移蘧公志常保古人去已久此理今難道

燕歌行云請君留楚調聽我吟燕歌家在遼水頭邊風意氣多出身爲漢
將正值戎未和雪中凌天山冰上渡交河大小百餘戰封侯竟蹉跎歸來
霸陵下故舊無相過雄劍委塵匣空門唯雀羅玉簪還趙姝瑤琴付齊娥
昔日不爲樂時哉今奈何

翰潤州人開元中爲禮部員外郎以冰壺賦得名商璠云歷代辭人詩筆
雙美者鮮矣今陶生實爲兼之既多興義復備風骨三百年以前方可論

其體裁

顏舒

鳳樓怨云佳人名莫愁珠箔上花鉤清鏡鴛鴦匣新妝翡翠樓擣衣明月

夜吹管白雲秋唯恨金吾子年年向隴頭

顧陶取爲唐類詩

王琚

琚自荆湖入朝至岳陽張說有送王十一及趙公入朝之作云昔濫貂蟬

長同承雨露霏今參魚鼈守望美洞庭歸浦樹懸秋影江雲繞落輝離魂

似征旆常往帝鄉飛琚以詩奉別云五載朝天子三湘逢舊寮扁舟方輟

棹清論遂終朝遠樹煙閒沒長江地際遙帝城馳夢想歸旆滿風颿

趙公冬曠

也

琚遊滄湖上寺詩云春山臨遠壑水木自幽清夙昔懷微尚茲焉一放情

雲閒聽弄鳥煙上摘初英地僻方無悶逾知道思生

奉答燕公云郡遠途且艱宜悲良自得胡爲心獨爾惠好在南國亦既清

唐詩

紀事

卷第二十

十一

無錫丁氏校刊

顏披罔然良願克與君蘭時會羣物如華飾煙景惜歡賞雲山起翰墨接
藝奇思微偶談玄言直淹日不知倦逾旬猶謂亟如何酌離樽移棹巴城
側浦口勞長望舟中獨太息疾風吹飛帆倏忽南與北目盡不復見懷哉
無終極唯當衡峯上遙辨湖水色

琚以預誅太平公主之功眷委特異進戶部尙書豫大政事時號內宰相
羣臣不能無望遂讒于帝帝疏之歷九刺史故詩多感激之詞時燕公亦
以罪謫守岳陽故送琚賦詩亦有湘東股肱守心與帝鄉期舟楫中路蹇
風波復來思之語

薛惟翰

閨怨云美人怨何深含情倚金閣不笑復不語珠淚紛紛落

春夜裁縫云珠箔因風卷飛蛾入最能不教人夜作方便殺明燈

春女怨云白玉堂前一樹梅今朝忽見數花開兒家門戶尋常閉春色綠
何入得來

維翰登開元進士第

崔巨

春怨云夜盡夢初驚紗窗早霧明曉妝脂粉薄春服綺羅輕妾有今朝恨君無舊日情愁來理絃管皆是斷腸聲

巨開元二十四年登進士第

朱琳

開緘怨云夫壻邊庭久幽閨恨幾重玉琴知別日金鏡識愁容懶寄雲中服慵開海外封年年得衣慣且試莫裁縫

王洽然

王丘傳云開元初爲吏部典選獎用孫狄張鏡微張進明進士王洽然皆一時茂秀

洽然上相國燕公書曰相公必欲選良宰莫若舉前員外郎吳太玄爲洛陽令必欲舉御史中丞莫若舉襄州刺史靳能清輦轂之路非太玄不可

生臺閣之風非靳能不可僕非吳靳親友但以知其賢明相公有而不知
知而不用亦過深矣抑又聞之昔閔子騫爲政曰仍舊貫如之何何必改
作凡校書正字一政不得入畿相公會爲此職見貞觀以來故事今吏部
侍郎揚滔眼不識字心不好賢蕪穢我清司改張我舊貫去年冬奏請自
今已後官無內外一例不得入畿卽知正字校書不如十鄉縣尉經明進
士不如三衛出身相公復此改張甄別安在古人有坐釣登相立籌封侯
今僕無尙父之謀薛公之策徒以仕於書苑生於學門小道奉時大言祈
相僕也幸甚幸甚去冬有詩贈公愛子協力云官微思倚玉文淺怯投珠
呂氏春秋云嘗一臠之肉知一鼎之味請公看此十字則知僕贈吟五言
亦更有舊文願呈作者如公之用人蓋已多矣僕之思用其來久矣拾遺
補闕寧有種乎僕雖不佞亦相公一株桃李也

冷然吟汴堤柳云隋家天子憶揚州厭坐深宮傍海遊穿地鑿山開御路
鳴笳疊鼓泛清流流從鞏北分河口直到淮南種官柳功成力盡人旋亡

代謝年移樹空有當時綵女侍君王繡帳旌門對柳行青葉交垂連幔色
白花飛度染衣香今日摧殘何用道數里曾無一枝好驛騎征帆損更多
山精野魅藏應老涼風八月露爲霜日夜孤帆入帝鄉河畔時時聞木落
一作落葉客中無不淚沾裳

萬楚

五月五日觀妓云西施漫道浣春紗碧玉今時鬪麗華青黛奪將萱草色
紅裙妬殺石榴花新歌一曲令人豔醉舞雙眸斂鬢斜誰道五絲能續命
卻令今日死君家
楚登開元進士第

胡皓

和宋之間寒食題臨江驛云聞道山陰會仍爲火忌辰途中甘棄日江上
苦傷春流水翻催淚寒灰更伴人丹心終不改白髮爲誰新

明皇錫宴樂遊園皓應制詩云五醑終宴集三錫又歡娛仙臯崇高異神

州眺覽殊南山臨皓雪北闕對明珠廣座鶴鴻滿昌庭駟馬趨綺羅含草
木絲竹吐郊衢銜杯不能罷歌舞樂唐虞

開元中張孝嵩出塞張九齡韓休崔沔王翰胡皓賀知章所撰送行詩號
朝英集

袁瓘

惠文太子挽詞云素一作寒仗丹旄一作旛引陰堂白日違暗燈明象物畫水

溼靈衣羽化淮王去仙迎太子歸惟餘鸞啣土朝夕向陵飛

瓘明皇時人惠文太子睿宗之子岐王範也

柳識

許由先生潁陽洞庭獻醑文序云識壬辰歲夏四月自洛東遊至先生遺
廟而潁水古風舊山巋然追懷古蹤慕羨至道以時酒敬醑於靈既酌拜
獻言曰天清既能久地靜不能朽先生清靜天地全性出於胚渾入於鴻
蒙雲遊鳥還蒼鬱和風當時帝道已半滋章欲深大樸散於人未散於山

林乃有巢父杳冥同心堯齋公器退然見推遇聖相感不得不知耳雖濯於清流道終播於無爲所謂春膏時蒸朽葉自滋先生含德唐堯發之穎陽之仁德日大天下之祿利日卑且聖王所重者名器至人所重者感通推以大名義同讓終廉能感俗道自爲功任應會之偶然生垂後之清風人登雲嶺多憶箕穎猗歟先生山水齊名茲焉遺廟萬古芬馨

識弔夷齊文曰洪河之東兮首陽穹崇側聞孤竹二子昔也餒在其中偕隱胡爲得仁而死青苔古木蒼雲秋水魂兮來何依兮去何止掇澗溪之毛薦精誠而已初先生鴻逸中州鸞伏西山顧薇蕨之離離歌唐虞之不還謂易暴兮又武謂墨纒兮胡顏一吒兮忘饑若有諂兮于崑之關豈不以冠弊在於上履新處於下且曰一人之正位孰知三聖之純嘏讓周之意不其然乎是以知先生所恤者偏矣當昔夷羊在牧殷網解結乾道息坤維絕鯨吞噬兮鬼孽王奮厥武天意若曰覆昏暴資濬哲於是二老歸而八百會一戎衣而九有截况乎旗錫黃鳥珪命赤烏俾荷鉅橋之施俾

伸羨里之辜故能山立雨集電掃風驅及下車也五刃不礪於武庫九駿
伏轅於文途雖二士不食而兆人其蘇旣而溥天周土率土周人吁嗟先
生逃將奚臻萬姓歸飾兮獨鬱乎方寸六合莽蕩兮終跼乎一身雖忤時
而過周終臣心而惻殷所以不食其食求仁得仁然非一端事各其志若
旁通以阜厥躬應物以濟其利則焉有貞節之規君親之事靈乎靈乎雖
非有道而保生乃勛爲臣之不二

識字方明工文章最爲李華所知其文與蕭穎士元德秀劉迅相上下而
識練理創端往往詣極雖趣尙非博然當時作者伏其簡拔

高力士

力士謫巫州山多薺不食因感之作詩寄意曰兩京作斤賣五溪無人採
夷夏雖有殊氣味都不改其後會赦因至武陵遇開元中羽林軍士坐事
謫嶺南停車話舊方知明皇厭世北望號慟嘔血而卒

段柯古敘力士事證云呼二兄柯古呼阿翁張善呼將軍鄭夢呼火老柯五

輪磴繼初施檠戟夢常臥簾牀柯長六尺五寸繼陪葬泰陵夢詠薺柯齒成印

繼上國下國夢夢鞭柯呂氏生髭繼

高霽韋權輿

池陽九子山太白易以九華之目因與二三子聯句傳之將來妙有分二

氣靈山開九華太白層標遏遲日半壁明朝霞高霽積雪曜陰壑飛流歎陽涯

韋權輿青瑩玉樹色縹緲羽人家太白

息夫牧

冬夜宴蕭十丈因餞殷郭二子西上詩序云冬十有二月家君宰邑許下
夫子問津潁上二賢將馳會府皆適茲土夜處狹室列座有位尊卑儼如
或捧觴上壽或摳衣請益始崇詩以閱禮終講信而修睦然後文飽於德
義潤其身頃夫子升堂之後若盧賈劉尹之徒半紀間接武鳴躍實夫子
訓之導之斯至也今殷郭二子天資才幹而加之鏃羽觀光王庭俯拾地
芥其誰曰不然飛霜靄林寒氣總至月落市戶夜將向晨座隅謙謙畢醉

溫克則知孔門宴餞異於他日二三子終身識之夫子以家君政成百里無事命門弟子賦詩鳴琴亦以釋化離之怨焉小子不敏忝居門人之末敢不敬書其事詩曰有琴斯鳴于宰之庭君子蒞止其心孔平政既告成德以永貞鳴琴有衍于穎之畔彼之才髦其年未冠聞詩聞禮斐兮璨璨鳴琴其怡于穎之湄二子翰飛言戾京師有鬱者桂爰攀其枝琴既鳴矣宵旣清矣烘煨有煒酒醴惟旨喟我寤歎吁其別矣

崔曙

曙穎陽東溪懷古云靈谿氛霧歇皎鏡清心顏空色不映水秋聲多在山人世久疎曠萬物皆自閒白鷺寒更浴孤雲晴未還昔時讓王者此地閉玄關無以躡高步淒涼林壑閒

試明堂火珠詩云正位開重屋中天出火珠夜來雙月合曙後一星孤天淨光難滅雲生望欲無還將聖明代寶國在京都曙以是詩得名明年卒惟一女名星星始悟其讖也

商璠云曙詩言辭款要情興悲涼送別登樓俱堪下淚途中晚發云晚霽
長風裏勞歌赴遠期雲輕歸海疾月滿下山遲旅望因高盡鄉心遇物悲
故林遙不見況在落花時送薛據云無媒嗟失路有道亦乘流容處不堪
別異鄉應共愁我生早孤賤淪落居此州風土至今憶山河皆共遊一從
文章事兩京春復秋君去問相識幾人成白頭又早發交崖山還太室云
東林氣微白寒鳥忽高翔吾亦自茲去北山歸草堂仲冬正三五日月遙
相望蕭蕭過潁上隴隴辨少陽川水生積雪野火出枯桑獨往路難盡窮
陰人易傷傷此無衣客如何蒙雪霜

曙開元二十六年登進士第

... 孔門 ... 德 ...

... 命門 ... 德 ...

... 不 ... 德 ...

... 德 ...

... 德 ...

... 德 ...

... 德 ...

... 德 ...

... 德 ...

... 德 ...

... 德 ...

... 德 ...

... 德 ...

... 德 ...

... 德 ...

... 德 ...

... 德 ...

唐詩紀事卷第二十

唐詩紀事卷第二十一

蕭穎士

李華

崔顥

李嘉祐

王翰

蕭穎士

穎士重陽陪元魯山登北城贈別元有挂冠之意詩云山縣遶古堞悠悠
快登望雨餘秋天高日盡無隱狀綿連泚川迴杳渺鴉路深彭澤興不淺
臨風動歸心賴茲琴堂暇傲睨傾菊酒人和歲已登從政茲何有遠山十
里碧一道銜長雲青霞半落日混合疑晴曛漸聞棲林羽坐歎清夜月中
歡愴有違行子念明發僅能泯寵辱未免傷別離江湖不可忘風雨勞相
思明時當盛才短伎安所設何日謝百里從君漢之濞

答韋司業垂訪云呦呦食苹鹿常飲清泠川但悅豐草美寧知牢饌鮮主
人有幽意將以充林泉羅網幸免傷蒙君復羈牽高堂列衆賓廣坐鳴清
絃俯仰轉驚惕徘徊獨憂煎緬懷雲巖路欲往無由緣物各有所好違之
傷自然一神龜在南國緬邈湘川陰游止蓮葉上歲時嘉樹林毒蟲且不

近斤斧何由尋錯落負奇文熒煌耀丹金江山萬里餘淮海阻且深獨保
貞素質不爲寒暑侵一逢盛明代應見通靈心二晉代有儒臣當年富辭
藻立言寄青史將以贊王道遼落緬歲時辛勤歷江島且言風波倦探涉
豈爲寶不遇庾征西云誰展懷抱士貧乏知己安得成所好三彭陽昔游
說願謁南郢都王果尙未達況從夷節謨豈知晉叔向無罪嬰囚拘臨難
俟解紛獨知祁大夫舉讐且不棄何必論親疏夫子覺者也其能遺我乎
四關西一公子年貌獨青春被褐來上京翳然聲未振中郎何爲者倒屣
驚座賓詞賦豈不佳盛名亦相因爲君奏此曲此曲多苦辛千載不可誣
孰言今無人五

李華序其文曰開元天寶間以文學著於時者曰蘭陵蕭穎士字茂挺年
十九進士擢第淮南連帥表君爲揚州功曹沒於汝南旅次君謂六經之
後有屈原宋玉文甚雄壯而不能經厥後有賈誼文詞詳正近於理體枚
乘司馬相如亦瓌麗才士然而不近風雅揚雄用意頗深班彪識理張衡

宏曠曹植豐贍王粲超逸稽康標舉此外皆金相玉質所尙或殊不能備
舉左思詩賦有雅頌遺風千寶著論近乎王化根源此外皆夔絕無聞近
日陳拾遺文體最正以此而言見君述作君以文章制度爲己任時人咸
以此許之穎士卒門人贈文元先生惟一子存字伯誠爲金部外郎有功
曹之風惡裴延齡棄官歸廬山存子東從事邕南以女妻柳淡字中庸文
公韓愈少時受存之知自袁州入爲祭酒經廬山過其山居知諸子凋謝
唯二女在乃爲詩曰中郎有女能傳業伯道無兒可保家今日匡山過舊
隱空將衰淚對煙霞穎士以推獎後進爲任如李陽李幼皇甫冉陸渭等
數十人由獎目皆爲名士天下推知人稱蕭功曹嘗兄事元德秀而友殷
寅顏真卿柳芳陸據李華邵軫趙驂時人語曰殷顏柳陸李蕭邵趙以能
全其交也李華與齊名世號蕭李

李華

華字遐叔舉開元二十三年進士天寶二年博學宏詞皆爲科首天寶十

一年拜監察御史除右補闕祿山亂輦母而逃爲盜所得二京復坐謫杭
州司功參軍召加司封外郎將以司言處之華曰焉有隳節辱志者可以
荷君之寵乎移病請告李峴領選江南表爲從事以風痺廢居楚

詠史詩云日照崑崙山羽人披羽衣乘龍駕雲霧欲往心無違此山在西
北乃是神仙國靈氣皆自然求之不可得何爲漢武帝精意徧羣山糜費
巨萬計宮車終不還蒼蒼茂陵樹足以戒人閒一天生忠與義本以佐雍
熙何意李司隸而當昏亂時古墳襄城野斜徑橫秋陂況不禁樵採茅莎
無子遺高標尙可仰精爽今何之一忤中常侍銜寃誰見知嘗觀黨錮傳
撫卷不勝悲二文侯耽鄭衛一聽一忘餐白雪燕姬舞朱絃趙女彈淫聲
流不返恹蕩日無端獻歲受朝時鳴鐘醮百官兩牀陳管磬九奏殊未闌
對此唯恐臥更能整衣冠三漢皇脩雅樂乘輿臨大學三老與五更天王
親割牲一人調風俗萬國和且平單于驟款塞武庫欲銷兵文物此朝盛
君臣何穆清至今墳壇下如有簫韶聲四蜀主相諸葛功高名亦尊驅馳

十萬衆怒目瞰中原曹伯任公孫國亡身不存社宮久蕪沒白雁猶飛翻
勿言君臣合可以濟黎元爲蜀諒不易如曹難復論五秦滅漢帝興南山
有遺老危冠揖萬乘幸得厭征討當君逐鹿時臣等已枯槁寧知市朝變
但覺泉石好高臥三十年相看成四皓帝言翁甚善見顧何不早成稱太
子仁重義亦遵道側聞驪姬事申生不自保暫出商山雲謁來趨灑埽東
宮成羽翼楚舞傷懷抱後代無其人戾園滿秋草六六國韓最弱末年尤
畏秦鄭生爲韓計且欲疲秦人利物可分社原情堪滅身咸陽古城下萬
頃稻苗新七昂藏獬豸獸出自太平年亂代乃潛伏縱人爲禍愆常聞斷
馬劍每壯朱雲賢身死名不滅寒風吹墓田精靈如有在幽憤滿松煙八
沂水春可涉泮宮映楊葉麗色異人閒珊珊搖珮環展禽常獨處深巷生
禾黍城上飛海雲城中暗春雨適來鳴珮者復是誰家女泥沾珠綴履雨
溼翠毛簪電影閉蓮臉雷聲飛蕙心自言沂水曲采蘋兼采芣歸逕雖可
尋天陰光景促憐君貞且獨願許君家宿徒勞惜衾枕了不顧雙蛾豔質

誠可重淫風如禮何周王惑褒姒城闕成陂陁九巢許在嵩穎陶唐不得
臣九州尙洗耳一命安能親綿邈數千祀丘中詎隱淪朝游公卿府夕是
山林人蒲帛揚側陋薜蘿爲摺紳九重念入夢三事思降神且設庭中燎
寧窺泉下鱗十漢時征百越楊僕將樓船幕府功未立江湖已騷然島夷
非敢亂政暴地仍偏得罪因懷璧防身輒控弦三軍求裂土萬里詎聞天
魏闕心猶在旗門首已懸如何得良吏一爲制方圓一十

寄趙七侍御自餘干谿行經弋陽至上饒山川幽麗思與雲卿同游邈不
可得因敘疇年之素寄懷於篇云搖漿曙江流江清山復重心愜賞未足
川迴失前峯凌灘出極浦曠若天池通君陽青嵯峨開拆混元中九潭魚
龍窟仙成羽人宮陰奧潛鬼物精光動煙空玄猿啼深壟楚越謂竹樹深者爲壟白

鳥戲葱蒙飛湍鳴金石激溜鼓雷風雨濯萬木鮮霞照千山濃草閒長餘
綠花淨落幽紅渚煙見晨釣山月聞夜春覆谿窈窕波涵石洶溶溶丹丘
忽聚散素壁相奔衝白日破昏靄靈山出其東勢排昊蒼上氣壓吳越雄

迴頭望雲卿此恨發吾衷昔日蕭邵遊四人纔成童華與趙七侍御驛故蕭十功曹穎士故邵

十六軫未冠游太學皆苦貧共弊同年三人登科相次典校邵後三人及第也屬詞慕孔門入仕希上公緯卿陷

非罪折我昆吾鋒邵字緯卿以冤橫貶卒南中茂挺獨先覺拔身渡京虹斯人謝明代

百代墜鸕鴻蕭天寶末知亂棄官往江南世故墜橫流與君哀路窮逆胡陷兩京華

與趙受辱賊中相顧無死節蒙恩逐殊封華貶杭州司功趙天波洗其瑕朱衣備

朝容華承恩累遷尚書郎趙拜補闕御史一別凡十年豈期復相從餘生得攜手遺此兩孱

翁羣遷失鶯羽後凋惜長松哀旅難重別悽悽滿心胸遇勝悲獨游貪奇

悵孤逢禽尙彼何人胡爲束樊籠吾師度門教投弁躡遐蹤

崔顥

擢進士第有文無行終司勳員外郎初李邕聞其名虛舍待之顥至獻詩

首章云十五嫁王昌邕叱曰小兒無禮不與接而去

孟門行云黃雀銜黃花翩翩傍簷隙本擬報君恩如何反彈射金罍美酒

滿座春平原愛才多衆賓滿堂盡是忠義士何意得有讒諛人諛言翻覆

那可道能令君心不自保北園新栽桃李枝根株未固何轉移成陰結子君自取若問傍人那得知

霍將軍云長安甲第高入雲誰家居住霍將軍日晚朝迴擁賓從路旁揖

拜何紛紛莫言炙手手可熱須臾火盡灰亦滅莫言貧賤即可欺人生富

貴自有時一朝天子賜顏色世上悠悠應始知集作辰安道

黃鶴樓詩昔人已乘白雲去此地空餘黃鶴樓黃鶴一去不復返白雲千

載空悠悠晴川歷歷漢陽樹芳草萋萋鸚鵡洲日暮鄉關何處是煙波江

上使人愁世傳太白云眼前有景道不得崔顥題詩在上頭遂作鳳凰臺詩以較勝負恐不然

王家少婦詩云十五嫁王昌盈盈入畫堂自矜年最少復倚堦為郎舞愛

前溪綠歌憐子夜長閒來鬪百草度日不成妝搜玉集古意

商璠云顥少年為詩屬意浮豔多陷輕薄晚歲忽變常體如殺人遼水上

走馬漁陽歸錯落金鎖甲蒙茸貂鼠衣又秋風吹淺草獵騎何翩翩插羽

兩相顧鳴弓新上弦鮑照江淹須有慙色

古游俠呈軍中諸將云少年負膽氣好勇復知機仗劍出門去孤城逢合
圍殺人遼水上走馬漁陽歸錯落金鎖甲蒙茸貂鼠衣還家行且獵弓矢
速如飛地迴鷹狗疾草深狐兔肥腰閒帶兩綬轉盼生光輝顧謂今日戰
何如隨建威

贈王威古云三十羽林將出身常事邊秋風吹淺草獵騎何翩翩插羽兩
相顧鳴弓新上弦射麋入深谷飲馬向寒泉馬上共傾酒野中聊割鮮相
看未及醉雜虜寇幽燕烽火去不息胡塵高際天長驅救東北戰解城亦
全報國行赴難古來皆共然

送單于裴都護云征馬去翩翩秋城月正圓單于莫近塞都護欲臨邊漢
驛通煙火胡沙乏井泉功成須獻捷未必去經年

題隱侯八詠樓云梁日東陽守爲樓望越中綠窗明月在青史古人空江
靜聞山狷川長數塞鴻登臨白雲晚流恨此遺風

遼西云燕郊方歲晚殘雪凍邊城四月青草合遼陽春水生胡人正牧馬

漢將日徵兵露重寶刀溼沙虛金鼓鳴寒衣著已盡春服爲誰成寄語洛陽使爲傳邊戍情

渭城少年行云洛陽三月梨花飛秦地行人春憶歸揚鞭走馬城南陌朝逢驛使秦川客驛使前日發章臺傳道長安春早來棠梨宮中燕初至蒲萄館裏花正開念此使人歸更早三月便達長安道長安道上春可憐搖風蕩日曲江邊萬戶樓臺臨渭水五陵花柳滿晴川秦川寒食盛繁華游子春來不見家鬪雞下杜塵初合走馬章台日半斜章台帝城稱貴里青樓日晚歌鐘起貴里豪家白馬驕五陵年少不相饒雙雙挾彈來金市兩兩鳴鞭上渭橋渭城橋頭酒新熟金鞍白馬誰家宿可憐錦瑟箏琵琶玉壺清酒就倡家小婦春來不解羞嬌歌一曲楊柳花

李嘉祐

字從一上元中嘗爲台州刺史大曆閒刺袁州李肇記漠漠水田飛白鷺陰陰夏木嘯黃鸝之句本嘉祐詩而集中不見與嚴維劉長卿冷朝陽友

善常有詩四年謫宦滯江城未馱門前鄱水清誰言宰邑化黎庶欲別雲
山如弟兄雙鷗爲底無心狎白髮從他遶鬢生惆悵閒眠臨極浦夕陽秋
草不勝情嘉祐蓋嘗謫宦但不知其故然有元日無衣冠入朝云白髭空
換歲丹陛不朝天其坎坷之狀可少見矣嘉祐有送從叔陽冰寄從弟紆
及姪端詩蓋三子之族也

遊鶴林寺云野寺江城近雙旌五馬過禪心超忍辱梵語問多羅松竹閒
僧老雲煙晚日和寒塘歸路轉清磬隔微波

送王牧往吉州謁王使君叔云細草綠汀洲王孫耐薄遊年華初冠帶文
體舊弓裘野渡花爭發春塘水亂流使君矜小阮應念倚門愁

仲夏江陰官舍寄裴明府云萬室邊江次孤城對海安朝霞晴作雨溼氣
晚生寒苔色侵衣桁潮痕上井欄題書招茂宰思爾欲辭官

潤州送蔣侍御收兵歸揚云沴氣清金虎兵威壯鐵冠揚旌川色暝吹角
水風寒人對輜輶醉花看睥睨殘羨歸丞相府空望舊門欄

高仲武云嘉祐袁州人振藻天朝大收芳舉中興高流與錢郎別爲一體
往往涉於齊梁綺美婉麗蓋吳均何遜之敵也至於野渡花爭發春塘水
亂流朝霞晴作雨溼氣晚生寒文章之冠冕也又禪心超忍辱梵語問多
羅設使許詢更生孫綽復在窮思極筆未到此境

和苗員外發秋夜宿直云久雨南宮夜仙郎寓直時漏長丹鳳闕秋冷白
雲司螢影侵堦亂鴻聲出院遲蕭條人吏散小謝有新詩

姚合取爲
極玄集

戴叔倫夜發袁州寄李穎川詩卽嘉祐也詩云半夜迴舟入楚鄉月明山
水共蒼蒼孤猿更發秋風裏不是愁人亦斷腸

時李貶
於此

王翰

古長城吟云長安少年無遠圖一生唯羨執金吾麒麟前殿拜天子走馬
西擊長城胡胡沙獵獵吹人面漢虜相逢不相見遙聞鼙鼓動地來傳道
單于夜猶戰此時顧恩寧顧身爲君一行摧萬人壯士揮戈迴白日單于
濺血染朱輪迴來飲馬長城窟長城道傍多白骨問之耆老何代人云是

秦王築城卒黃昏塞北無人煙鬼哭啾啾聲沸天無罪見誅功不賞孤魂
流落此城邊當昔秦王按劍起諸侯膝行不敢視富國強兵三十年築怨
興徭九千里秦王築城何太愚天實亡秦非北胡一朝禍起咸陽內渭水
咸陽不復都

或作飲馬
長城窟行

翰字子羽晉陽人少豪健恃才張嘉貞張說爲并州長史厚禮之爲駕部
外郎坐事貶道州司馬卒

明皇送張說巡邊應制云紫蓋尙書印朱駟丞相車登朝身許國出關將
辭家不憚炎蒸苦親嘗走集賒選徒軍有令誓卒爾無譁帝樂風初起王
城日半斜寵行流聖作寅餞照台華騎歷河南樹旌搖天北沙榮懷應盡
服嚴殺已先加業峻靈祇保功成道路嗟寧如鑿空使遠致石榴花

送張說赴集賢院上賜燕賦得筵字云東堂起集賢貴德後神仙首命台
階老將崇御府員送人鏘玉珮中使拂瓊筵和樂薰風解湛恩時雨連長
材誠磊落短翮強翩翩徒仰蓬萊峻何階不讓緣

恩賜樂游園宴應制云未及人心暢何如帝道明仍嫌酺宴促復寵樂游
行陸海披珍藏天河直斗城四關青靄合數處白雲生餽餼調元氣歌鍾
溢雅聲空慙堯舜力至德睿難名

...

唐詩紀事卷第二十二

任華

鄒象先

賈至

韋述

裴耀卿

解彥融

儲光羲

孫翊

梁知微

沈千運

魏萬

元結

張均

李嶷

萬齊融

宋鼎

崔頌

任華

雜言寄李白古來文章有能奔逸氣聳高格清人心神驚人魂魄我聞當
今有李白大獵賦鴻猷文嗤長卿笑子雲班張所作瑣細不入耳未知卿
雲得在嗤笑限登廬山觀瀑布海風吹不斷江月照還空余愛此兩句登
天臺望渤海雲垂大鵬飛山壓巨鼇背斯言亦好在至於他作多不拘常
律振擺超騰既俊且逸或醉中操紙或興來走筆手下忽然片雲飛眼前
劃見孤峯出而我有時白日忽欲睡睡覺欻然起攘臂任生知有君君也
知有任生未中閒聞道在長安及余戾止君已江東訪元丹邂逅不得見

君面每常把酒向東望良久見說往年在翰林胸中矛戟何森森新詩傳
在宮人口佳句不離明主心身騎天馬多意氣目送飛鴻對豪貴承恩召
入凡幾迴待詔歸來仍半醉權臣妬盛名羣犬多吠聲有勅放君卻歸隱
淪處高歌大笑出關去且向東山爲外臣諸侯交迓馳朱輪白璧一雙買
交者黃金百鎰相知人平生傲岸其志不可測數十年爲客未嘗一日低
顏色八詠樓中坦腹眠五侯門下無心憶繁花越臺上細柳吳宮側綠水
青山知有君白雲明月偏相識養高兼養閒可見不可攀莊周萬物外范
蠡五湖閒又閒訪道滄海上丁令王喬時還往蓬萊經是曾到來方丈豈
唯方一丈伊余每欲乘興遠相尋江湖擁隔勞寸心今朝忽遇東飛翼寄
此一章表胸臆倘能報我一片言但訪任華有人識

雜言寄杜拾遺云杜拾遺名甫第二才甚奇任生與君別來已多時何嘗
一日不相思杜拾遺知不知昨日有人誦得數篇黃絹詞吾怪異奇特借
問果然稱是杜二之所爲勢攫虎豹氣騰蛟螭滄海無風似鼓蕩華嶽平

地欲奔馳曹劉俯仰慙大敵沈謝逡巡稱小兒昔在帝城中盛名君一箇
諸人見所作無不心膽破郎宮叢裡作狂歌丞相閣中常醉臥前年皇帝
歸長安承恩闊步青雲端積翠扈遊花匱匝披香寓直月團欒英才特達
承天睭公卿無不相欽羨只緣汲黯好直言遂使安仁卻爲掾如今避地
錦城隅幕下英寮每日相就提玉壺半醉起舞捋髭鬚乍低乍昂傍若無
古人制禮但爲防俗士豈得爲君設之乎而我不飛不鳴亦何以只待朝
廷有知己已曾讀卻無限書拙詩一句兩句在人耳如今看之總無益又
不能崎嶇傍朝市且當事耕稼豈得便徒爾南陽葛亮爲朋友東山謝安
作鄰里閒常把琴弄悶卽攜樽起鶯啼二月三月時花發千山萬山裏此
中幽曠無人知火急將書憑驛使爲報杜拾遺

高適贈任華云丈夫結交須結貧貧者結交交始親世人不解結交者唯
重黃金不重人黃金雖多有盡時結交一成無竭期君不見管仲與鮑叔
至今留名名不移撫言載華告辭京尹賈大夫書責其恃才傲物又與京

兆杜中丞書責其始以文章見知而終不相顧上御史嚴大夫牋以爲失在於倨闕在於恕欲其遇士誠於倨撫下洪以恕可以長守富貴與庾中丞書云公幸以文章見許以補袞相期公頃謂李太僕曰任子文詞可謂卓絕負冤已久何不奏與太僕亟然之公之相待何前緊而後慢耶華本野人常思漁釣尋當杖策歸乎舊山非有機心致斯扣擊但以今之後進皆屬望於公公其留意焉

鄒象先

象先尉臨渙蕭穎士自京邑無成東歸以象先同年生也作詩贈之來年蕭補正字象先寄書重述前事云六月度關雲三峯翫山翠爾時黃綬屈別後青雲致蕭答云桂枝常共擢茅茨冀同薦一命何阻修載馳各州縣壯圖悲歲月明代恥貧賤回首無津梁祇令二毛變

賈至

岳陽樓宴王員外貶長沙云極浦三春草高樓萬里心楚山晴靄碧湘水

暮流深忽與朝中舊同爲澤畔吟停杯試北望還欲淚沾襟

侍讌曲云雲陛褰衣裳丹墀覆綠楊隔簾妝掩映向席舞低昂鳴珮長廊
靜開冰廣殿涼懽餘劍履散同輦入昭陽

馮昭儀當熊云白羽插彫弓蛻旌動朔風平明出金屋扈輦上林中逐獸
長廊靜呼鷹御苑空王孫莫諫獵賤妾解當熊

早朝大明宮云銀燭薰天紫陌長禁城春色曉蒼蒼千條弱柳垂青瑣百
轉流鸚繞建章劍珮聲隨玉墀步衣冠氣接御爐香共沐恩波鳳池裏終

朝默默侍君王

王維杜甫
岑參同和

自蜀奉册命往朔方途中作云胡羯亂中夏鑾輿或南巡衣冠陷戎寇狼
狽隨風塵幽公秉大節臨難不顧身激昂白刃前濺血下沾巾尙書抱忠
義歷險披荆榛扈從出劍門登翼岷江濱時望揖侍郎公才標搢紳亭亭
崑山玉皎皎無淄磷顧惟乏經濟扞牧陪從臣永願雪會稽一劍清咸秦
太皇時內禪神器付嗣孫新命集舊邦至德被遠人捧册自南服奉詔趨

北軍覲謁心載馳遠離難重陳策馬出蜀山畏途上緣雲飲啄叢箐閒栖
息虎豹羣嶇崎凌棧危惴惴慄心神峭壁上嶽岑大江下沄沄皇風扇八
極異類懷深仁元兇誘熟虜肘腕生妖氛明王信英武威聲赫四鄰誓師
自朔方旗幟何繽紛鐵騎照白日旄頭拂秋旻將來盪滄溟寧止蹴崑崙
古來有迍難否泰長相因夏康纘禹績代祖復漢勳于役各勤王驅馳拱
紫宸豈惟太公望往昔逢周文誰謂三傑才公業獨殊倫感此慰行邁無
爲歌苦辛帝傳位至常譔冊既進蓋帝曰先帝誥命乃父爲之辭今
茲命又爾爲之兩朝盛典出卿父子之手可謂繼美矣 至字

幼鄰曾之子也肅宗時爲中書舍人坐小法貶岳州司馬在巴陵有詩寄
朝中友人云江南春初草冪冪愁殺江南獨愁客秦中楊柳也應新轉憶
秦中相憶人萬里鶯花不相見登高一望淚沾巾寶應初召復故官大曆
中位右散騎常侍卒

李白寄至詩云賈生西望憶京華湘浦南遷莫怨嗟聖主恩深漢文帝憐
君不遣到長沙

章述

晚度伊水詩云悠悠涉伊水伊水清見石是時春向深兩岸草如積迢遞望洲嶼逶迤亘津陌新樹落疎紅遙原上新碧回首瞻洛陽遽有家山隔煙霧猶隔山風塵已爲客登涉多異趨往來見行役雲起早已昏鳥飛日將夕光陰逝不借超然慕疇昔遠遊亦何爲歸來存竹帛

送張說上集賢學士應制云修文中禁啟改字令名加台坐徵人傑書坊應國華賦詩開廣宴賜酒酌流霞雲散明金闕池開照玉沙掖垣留宿鳥溫樹落餘花謬此天光及銜恩醉日斜

述純厚長者澹榮利任史官二十年典掌圖書餘四十年天寶閒爲國子司業充集賢學士祿山亂抱國史藏南山臣賊賊平流渝州爲刺史薛舒所困不食死

裴耀卿

耀卿爲宣州刺史日張九齡經當塗界以詩寄之又有江上使風詩寄耀

卿云江路與天連風帆何森然遙林浪出沒孤舫鳥聯翩常自千鈞重深
思萬事捐報恩非徇祿還逐賈人船

耀卿和當塗詩云茂先實王佐仲舉信時英氣覩衝天發人將下榻迎珪
符肅有命江國遠徂征九派期方越千鈞或可輕高帆出風迴孤嶼入雲
平過邁嗟于役離憂空自情飾簪陪早歲接壤廁專城曠別心彌軫宏規
義轉傾徒然恨饑渴況乃諷瑤瓊

再酬使風見示云茲地五湖隣艱哉萬里人驚颿翻是託危浪亦相因宣
室才華子金閨諷議臣承明有二入去去速歸輪

解彥融

鴈塔詩云崢嶸徹倒景刻峭俯無地勇進攀有緣卽嶮恐迷墜窅然喪五
蘊蠢爾懷萬類實際罔宅尋波羅必可致南山繚上苑蒼樹連巖翠北斗
臨帝城扶宮切大清滄和裨日用味道懿天明綠野冷風浹紫微佳氣晶
馴禽演法要忍草藉經行本願從茲適方知物世輕此詩開元八年清河

傅巖題于鴈塔

儲先義

古意云秋風肅天地太行高崔巍猿狖清夜吟其聲一何哀寂寥掩圭華
夢寐遊蓬萊琪樹遠亭亭玉堂雲中開洪崖吹簫管素女飄飄來兩師既
先後道路無纖埃鄙哉楚襄王獨好雲陽臺又胚渾本無象末路多是非
達士志寥廓所在能忘機耕鑿時未至還山聊採薇虎豹對我蹲鸞鷲傍
我飛仙人空中來謂我勿復歸格澤爲君駕雲霓爲君衣西遊崑崙墟可
與世人違

新豐道中作云西下長樂坂東入新豐道雨多車馬稀道上生秋草太陽
蔽臯陸莫知晚與早雲雷杳冥冥川谷漫浩浩詔書植佳木

二十八年衆
有詔種果衆

言桃李好自顧無此容歸從漢陰老

泊舟詒潘少府云行子苦風潮維舟未能發宵分卷前幔臥視清秋月四
澤葭葦深中洲煙火絕蒼蒼水霧起落落疎星沒所遇盡漁商興言多楚

越其如念極浦又以思明哲

時潘在後浦

常若千里餘況之異鄉別

田家卽事云蒲葉日已長杏花日已滋老農要看此貴不違天時迎晨起
飯牛雙駕耕東菑蚯蚓土中出山鳥隨我飛羣合亂啄噪嗷嗷如道饑我
心多惻隱顧此兩傷悲撥食與田鳥日暮空筐歸親戚更相誚我心終不
移

田家雜興三首云春至鶻鷓鳴薄言向田野不能自力作僴俛娶鄰女既
念生子孫方思廣園圃閒時相顧笑喜悅好禾黍夜夜登嘯臺南望洞庭
渚百草被霜露秋山響砧杵卻羨故年時中情無所取一梧桐陰我門薛
荔網我屋迢迢兩夫婦朝出暮還宿稼穡旣自種牛羊還自牧日吁懶耕
鋤登高望川陸空山足禽獸墟落多喬木白馬誰家兒聯翩相馳逐二楚
山有高士梁國有遺老築室旣相鄰同田復同道糧糈常共飯兒孫日更
抱忘此耕耨勞愧彼風雨好螻蛄鳴空澤鷓鴣傷秋草日夕寒風來衣裳
苦不早

同王十三維偶然作四首云野老本貧賤冒暑鋤瓜田一畦未及終樹下
高枕眠荷蓀者誰子皤皤來息肩不復問鄉墟相見但依然腹中無一物
高話羲皇年落日臨層隅逍遙望晴川使婦提蠶筐呼兒傍魚船悠悠泛
綠水去摘浦中蓮蓮花豔且美使我不能還一仲夏日中時草木看欲焦
田家惜功力把鋤來東臯顧望浮雲陰往往誤傷苗歸來悲困極兄嫂共
相饒無錢可沽酒何以解劬勞夜深星漢明庭宇虛寥寥高柳三五株可
以獨逍遙二浮雲在虛空隨風復卷舒我心方處順動作何憂虞但言嬰
世網不復得閒居迢遞別東國超遙來西都見人乃恭敬曾不問賢愚雖
若不能言中心亦難誣故鄉滿親戚道遠情日疎偶欲陳此意復無南飛
鳧三北山種松柏南山種蒺藜出入雖同趣所向各有宜孔丘貴仁義老
氏好無爲我心若虛空此道將安施暫過伊闕閒晚晚三伏時高閣入雲
中芙蓉滿清池要自非我室還望南山陲

王維待光羲不至詩云重門朝已啟起坐聽車聲要欲聞清佩方將出戶

迎晚鐘鳴上苑疎雨過春城了自不相顧臨堂空復情
光羲兗州人登開元進士第又詔中書試文章歷監察御史祿山亂陷焉
賊平貶死
商璠云儲公詩格高調逸削盡常言趣遠情深挾風雅之道得浩然之氣
述華清宮詩云山開鴻濛色天轉招搖星又遊茅山詩云山門入松栢天
路涵空虛此例數百句略見荊陽集不復廣引璠常觀儲公政論十五卷
九經分義疏二十卷言博理當實可謂經國之才

孫翊

張曲江在洪州有郡南山上別孫侍御詩云雲障天涯盡川途海縣窮何
言此地僻勿與故人同身負邦君弩情紆御史驄王程我安駐離思逐秋
風翊時以監察御史奉使洪州酬云受命議封疆逢君牧豫章於焉審虞
芮復爾共舟航悵別秋陰盡懷歸客思長江皋枉離贈持此慰他鄉

梁知微

知微自潭州入朝張說宴別於岳陽以詩送之云遠洎長沙渚欣逢賈誼
才江山疲應接風日復晴開又云月餘偏地賞心盡故人杯其末云夢見
長安陌朝宗實盛哉知微奉別燕公詩云華容佳山水之子厭承明符竹
紆小郡江湖被德聲三年計吏入路指巴丘城鳧舟纔結纜騶駕已相迎
別離他鄉酒委曲故人情孤嶼早煙薄長波晚氣清辛勤方遠鶩勝賞屢
難并迴瞻洞庭浦日暮愁雲生燕公有送知微渡東海詩云今日此相送
明年此相待天上客星迴知君渡東海暨送入朝至洞庭山又作云巴陵
一望洞庭秋日見孤峯水上浮聞道神仙不可接心隨湖水去悠悠蓋心
存魏闕之意也

知微嗣聖初登進士第

沈千運

山中作詩云棲隱別無事所願早離塵不辭城邑遊禮樂拘束人邇來歸
山林庶事皆吾身何者爲形骸誰是智與仁寂寞了閒事然後知天真咳

唾驚榮華迂俯相屈伸如何巢與由天子不得臣

贈史修文云故人阻千里會面非別期握手於此地當歡返成悲念離宛猶昨俄已經數朞疇昔皆少年別來髮如絲不道舊姓名相逢知是誰曩遊盡騫翥與君仍布衣豈曰無其才命理應有時前路漸欲少不覺生涕

淚

感懷弟妹詩云今日天氣暖東風杏花折筋力又不如慙歎澗中石神仙杳難準中壽纔滿百近世多夭傷喜見髮鬚白藜杖竹樹閒宛宛舊行跡豈知園中主卻是園中客兄弟所存半空爲亡者惜冥冥無再期哀哀望松柏骨肉能幾人年老漸疎隔性情誰免此而我何不易唯願得爾輩相看慰朝夕平生茲已矣此外盡非適濮上言懷云聖澤優賢良草澤無遺匿人生各有志在予胡不淑一生但區區五十無寸祿衰退當棄捐貧賤遭時譴栖栖去人世迍躓日窮逼不如守田園歲晏望豐熟壯年失宜盡老大無筋力始愴前計非方貽後生福兒童新學穡小女未能織顧此煩

知己終日求衣食元結篋中集序云風雅不作幾及千年近世作者更相沿襲拘限聲病喜尙形似且以流易爲辭不知喪於雅正吳興沈千運獨挺於流俗之中強攘於已溺之後窮老不惑五十餘年凡所爲文皆與時異故朋友後生稍見師効能似類者有五六人於戲自沈公及二三子皆以正直而無祿位皆以忠信而久貧賤皆以仁謙而至喪亡兵興于今六歲已長逝者遺文散失方阻絕者不見近作故編於篋中者凡二十二首云

王季友代人贈千運云相逢問姓名復存別來無子今有孫山上雙峯長不改百姓唯有三家村村南東西車馬道一宿通舟水浩浩河中磊磊十里石河上游游泥種稻一作河上淤平坡古冢皆我拆一作平坡冢滿田主人舊是客舉聲酸辛問同年十人七人歸下泉分手如何更此地迴頭不去淚潸然

張籍過千運舊居詩云汝比君子宅我來見頽墉亂離子孫盡地屬鄰里

翁古木被丘墟蹊路不相通舊井蔓草合牛羊墜其中居辭天子書放意
任禮躬一生不自力家與逆旅同我如星辰餘生於繳瘖聾方將旌舊閭
百歲不可封嗟其未積來已爲荒林叢時當無知者莫能敦此風浩蕩意
無覩我將安所從

魏萬

君抱碧海珠我懷藍田玉各稱希代寶萬里遙相燭長卿慕蘭久子猷意
已深平生風雅人暗合江海心去秋忽乘興命駕來東土謫仙遊梁園愛
子在鄒魯二處一不見拂衣向江東五兩挂淮月扁舟隨海風南遊吳越
徧高揖二千石雲上天台山春逢翰林伯宣父敬項橐林宗重黃生一長
復一少相看如弟兄惕然意不盡更逐西南去同舟入秦淮建業龍盤處
楚歌醉吳酒借問承恩初宮買長門賦天迎駟馬車才高世難容道廢可
推命安石重攜妓子房空謝病金陵百萬戶六代帝王都虎丘踞西江鍾
山臨北湖湖山信爲美王屋人相待應爲歧路多不知歲寒在君遊早晚

還勿久風塵閒此別未遠別秋期到仙山右魏萬贈太白詩也

太白送萬還王屋序云王屋山人魏萬自嵩宋沿吳相訪數千里不遇乘興遊台越經永嘉觀謝公石門後於廣陵相見美其愛文好古浪迹方外因述其行而贈以詩云

萬後名顯上元初登第始見白於廣陵白曰爾後必著大名於天下無忘老夫與明月奴因盡出其文命顯集之

元結

春陵行序云癸卯歲漫叟授道州刺史道州舊四萬餘戶經賊已來不滿四千太半不勝賦稅到官未五十日承諸使徵求符牒二百餘封皆曰失其限者罪至貶削於戲若悉應其命則州縣破亂刺史欲焉逃罪不應命又卽獲罪戾必不免也吾將守官靜以安人待罪而已此州是春陵故地故作春陵行以達下情詩曰軍國多所須切責在有司有司臨郡縣刑法競欲施供給豈不憂徵斂又可悲州小經亂亡遺人實困疲大鄉無十家

大族命單羸朝餐是草根暮食乃木皮出言氣欲絕意速行步遲追呼尙不忍況乃鞭朴之郵亭傳急符來往跡相追更無寬大恩但有追促期欲令鬻兒女言發恐亂隨悉使索其家而又無生資聽彼道路言悲傷誰復知去冬山賊來殺奪幾無遺所願見王官撫養以惠慈奈何重驅逐不使存活爲安人天子命符節我所持州縣忽亂亡得罪復是誰逋緩違詔令蒙責固所宜前賢重守分惡以禍福移亦云貴守官不愛能適時顧惟孱弱者正直當不虧何人探國風吾欲獻此辭

賊退示官吏詩序云癸卯歲西原賊入道州殺掠幾盡而去明年賊又攻永州破郡不犯此州邊鄙而退豈力能制敵歟蓋蒙其傷憐而已諸使何爲忍苦徵斂故作詩一篇以示官吏詩云昔年逢太平山林二十年泉源在庭戶洞壑當門前井稅有常期日晏猶得眠忽然遭世變數歲親戎旃今來典斯郡山夷又紛然城小賊不屠人貧傷可憐是以陷鄰境此州獨見全使臣將王命豈不如賊焉今彼徵斂者迫之如火煎誰能絕人命以

作時世賢思欲委符節引竿自刺船將家就魚麥歸老山海邊

杜子美和元使君春陵行序云覽道州元使君春陵行兼賊退後示官吏作二首志之曰當天子分憂之地效漢官良吏之日今盜賊未息知民疾苦得結輩十數公落落參錯天下爲邦伯萬物吐氣天下少安可待矣不意復見比興體制微婉頓挫之詞感而有詩增諸卷軸簡知我者不必寄元也詩曰遭亂髮盡白轉衰病相嬰沈綿盜賊際狼狽江漢行歎時藥力薄爲客羸瘵成吾人詩家秀博采世上名粲粲元道州前賢畏後生觀乎春陵作歛見俊哲情復覽賊退篇結也實國楨賈誼昔流慟匡衡常引經道州憂黎庶詞氣浩縱橫兩章對秋月一字偕華星致君唐虞際純朴憶大庭何時降璽書用爾爲丹青獄訟久衰息豈唯偃甲兵悽惻念誅求薄斂近休明乃知正人意不苟飛長纓涼飈振南岳之子寵若驚色阻金印大興含滄溟清我多長卿病日夕思朝廷肺枯渴太甚漂泊公孫城呼兒具紙筆隱几臨軒楹作詩呻吟內墨淡字欵傾感彼危苦詞庶幾知者聽

蘇源明薦結於肅宗時思明攻河陽帝將幸河東召結詣京師結上時議
三篇乃攝監察御史發宛葉軍屯泌陽全十五城帝善之代宗時侍親歸
樊上後拜道州刺史民樂其教還京師卒始號猗玕子後稱浪士又曰漫
郎更曰聲叟

張均

九日巴丘登高云客心驚暮序賓鴈下襄州共賞重陽節言尋戲馬游湖

風愁

一作扶

戍柳江雨暗山樓且酌東籬菊聊祛南國憂

岳州西城云水國何遼曠風波遂極天西江三汜合南浦二湖連危堞臨
清境煩憂暫豁然九圍觀掌內萬象閱眸前日去長沙浦山橫雲夢田汀
葭變秋色津樹入寒煙潛穴探靈詭浮山揖聖仙至人今不見迹滅事空

傳

巴丘春日作云日出洞庭水春山掛斷霞江沔相映發卉木共紛華湘成
南浮關荆關北望賒湖陰窺魍魎丘勢辨巴虵島戶巢爲館漁人艇作家

自憐心問景三歲客長沙

岳州觀競渡云畫作飛鳧艇雙雙競拂流絃裝川色變急棹水華浮土上
三閭俗江傳二女遊齊歌迎孟姥蜀舞送陽侯鼓發南湖汊標爭西驛樓
竝驅常詫速非畏日光道

岳州晚景云晚景寒鷗集秋聲海鴈歸水光浮日去霞彩映江飛洲白蘆
花吐園紅柿葉稀長沙卑溼地九月未成衣

送梁六自洞庭山作云巴陵一望洞庭秋日見孤峯水上浮聞道神仙不
可接心隨湖水共悠悠

奉和岳州山城云郡館臨清賞開局坐白雲訟虛棠戶曉觀靜竹簷曛懸
楊迎賓下趨庭學禮聞風傳琴上意遙向日華紛

毛本云均弟
一作均

燕公岳州別均云籬筵非讌喜別酒正消魂念汝猶童孺嗟予隔遠藩津
亭拔心草江路斷腸猿他日將何見愁來獨倚門

均丞相說之子也說最鍾愛其情見於岳州別均之作說爲左相知官考

均時任中書舍人特注之曰父教子忠古之善訓祁奚舉子義不務私至
於潤色王言彰施帝載道參墳典例紀旂常恭聞前烈尤難其任豈以嫌
疑敢撓綱紀考上下均能文爲大理卿祿山盜國爲僞中書令免死流合
浦

流合浦嶺外作云瘴江西去火爲山炎徼南窮鬼作關從此更投人境外
生涯應在有無閒

杜子美贈大常張卿云方丈三韓外崑崙萬國西建標天地闊詣絕古今
迷氣得神仙迴恩承雨露低相門清議重儒術大名齊軒冕羅天闕琳琅
識介珪伶官詩必誦夔樂典猶稽健筆凌鸚鵡銛鋒瑩鸞鵠友于皆挺拔
公望各端倪通籍踰青瑣亨衢照紫泥靈虬傳夕箭歸馬散霜蹄能事聞
重譯嘉謨及遠黎弼諧方一展班序更何躋適越何顛躓遊梁竟慘悽謬
知終畫虎微分是醢鷄萍泛無休日桃陰想舊蹊吹噓人所羨騰躍事仍
睽碧海真難涉青雲不可梯顧深慙鍛鍊才小辱提攜檻束哀猿叫林驚

夜鵲棲幾時陪羽獵應指鈞璜蹊

或疑此詩乃贈張均

李嶷

淮南秋夜詩云天淨河漢高夜閒砧杵發清秋已如此離恨應難歇風亂池上螢露光竹閒月與君共遊處勿作他鄉別

商璠云嶷詩鮮淨有規矩其少年行三章辭雖不多翩翩然俠氣在目也少年行云十八羽林郎戎衣從漢王臂鷹金殿側挾彈玉輿傍馳道春風起陪遊出建章一侍獵長楊下承恩更射飛塵生馬影滅箭落鴈行稀薄暮隨天仗聯翩入鎖闈二玉劍膝邊橫金盃馬上傾朝遊茂陵道暮宿鳳凰城豪吏多猜忌無勞問姓名三

萬齊融

上巳綠潭篇云春潭滉瀟接隋宮樓闕連延潭水東蘋苔嫩色涵波綠桃李新花照底紅垂菱布藻暉如鏡麗日晴天相照映素影沈沈對蝶飛金沙礫礫窺魚泳佳人被禊賞韶年傾國傾城併可憐拾翠總來芳樹下蹋

青爭遶淥潭邊公子王孫恣遊翫沙場水曲情無馱禽浮似挹羽觴杯鱗
躍疑投水心劍金鞭玉勒騁輕肥落絮紅塵擁路飛淥水殘霞催席散畫
樓初月待人歸

梁肅作越州開元寺僧曇一碑銘云師與賀賓客知章李北海崑褚諫議
庭誨涇陽令萬齊融爲儒釋之遊莫逆之友李華爲潤州鶴林寺徑山大
師碑銘云菩薩戒弟子故吏部侍郎齊澣故刑部尙書張均故潤州刺史
徐嶠故涇陽令萬齊融道流人望莫盛於此以二銘觀之齊融蓋開元以
來江南樂道之士也于休烈傳云與會稽賀朝萬齊融延陵包融齊名齊
融止於崑山令越州人也

宋鼎

鼎明皇時制襄州云張丞相九齡與余有孝廉校理之舊又代余爲荊州
余改漢陽仍兼按使巡至荊州故贈之詩曰漢上登飛幟荆南歷舊居已
嘗臨砌橘更覩躍池魚盛德繼微眇深衷能卷舒義申蓬閣際情坦廟堂

初郡挹文章美人懷燮理餘皇恩儻昭亮豈厭承明廬九齡有酬宋使君
詩云時來不自意宿昔謬樞衡翊聖負明主妨賢媿友生罷歸猶右職待
罪尙南荆政有留棠舊風因繼祖成高軒問疾苦蒸庶荷仁明衰廢時所
薄祇言僚故情

崔頌

張曲江在荊州有晨出郡舍林下詩云晨興步北林蕭散一開襟復見林
下月娟娟猶未沈片雲自孤遠叢篠亦清深無事由來貴方知物外心時
頌爲郡司馬和云優閒表政清林薄賞秋成江上懸曉月往來虧復盈雲
天抗眞意郡閣晦高名坐嘯應無欲寧辜濟物情

...

...

...

...

...

...

...

...

...

...

...

...

...

...

唐詩紀事卷第二十二